

JEHOVA-JIRE ²

 Katu ciimvwi, kwakaindi buyo kaniini, kuciindi notu kotamika mitwe yesu.

² Taata Wakujulu, tuli lumbide, sunumasiku, ku coolwe nco tu jisi, kuboola alubo ku ng'anda ya kukombela, oko nko tulitondezya tobeni a mapenzi esu kuli Nduwe, kuti Wa kasyomezya ku tuswaana okuno kunsi lya Bulowa bwakatika. I busena bulikke bwakabambwa obo Leza mbwa kasola kuba a sizibi oyo, na kufumbwa muntu wakali kukonzya kuswaana Leza, bwakali bwa kunsi lya Bulowa bwakatika. Aboobo twa boola mu Zina lya Mwami Jesu, mukuziba kuti Wa kasyomezya ikuti—ikuti na twa lomba kufumbwa cintu mu Zina eelyo, yeelede kupegwa. Tula Ku syoma, Taata. Ko gwasya kutasyoma kwesu. Twa komba kuti kubungana kwesu antoomwe, sunumasiku, kube kwa bulemu bwa Leza, kutegwa Leza alemekwa, alimwi Zina Lyakwe liyo zibwa akati ka bantu. Nkambo twa cilomba mu Zina lya Jesu, Mwana wa Leza. Ameni.

Inga mwa kkala.

³ Langanya eci kuba coolwe cakuba kokuno alubo sunumasiku, a kubona nkamu eyi mbotu ya bantu babungene okuno. Ndila syoma, bakati bwakali busena bwa mebeebe azintu. Nda kacita miswaangano, kutandila loko, misyobo yonse ya masena kuzunguluka inyika. Nda yeeya okuya mu California, Nda kajisi miswaangano yobilo na yotatwe okuya ku Palesi ya Ng'ombe, ba ciita. Elyo kuzwa ku misela yandeene, kaanda kaniini ako kakkala bantu bosanwe na cisambomwe, kutala ku, ee, kubungana kupati maningi nko twa kasola kuba ako ciindi cimwi, kwakali mu Bombay, zyuulu zili myaanda yosanwe ku kubungana komwe.

⁴ Pele, Bombay, cintu cipati, Mwami wesu waka futula bantu banji. Ikuti na twa konzya buyo kubamba mambungano kuba a kubelekela amwi, inga bakonzya kubweza abo bana Hindu a bamwi bambi. Elyo eco cakali cakasimpe, eco nco twiita kuti, "batasyomi." Kufumbwa cintu eco cita syomi mu Mwami Jesu Kristo, tu ciita kuti "sikutasyoma." Elyo kwakali zyuulu zini zya katambula Kristo, pele inga mwakonzya . . . tii twaka konzya kusika kuli mbabo.

⁵ Mpawo ku Durban, South Africa, twa kalemba okuya, bantu, bali zyuulu zili makumi otatwe ku lwiito lomwe lwaku cipaililo, masikati omwe. Oko, buzuba bucilila, meya, Sidney Smith, waku Durban, amyootokala mipati eyo iitandila ku ciloba na lusele ina British kwakli kulundikwa buyo kwa zyeenzyo zyakaindi azintu bantu nzobakali kweendela, kwa myaanda ya mamaile.

Na, ba kabaleta kwa mvwiki, kumusanza kwinda mu masaka, mu ziyumwido. Zya kazwide kulundikwa kwa zeezyo.

⁶ I meya wa kandi tumina, kati, "Koya ku mpulungwido yako ilanga ku Lwizi luna India, okuya ku hotela," kati, "elyo ula bona cintucimwi ncota ninga bwene kale."

⁷ Elyo njeeyi yakali myootokala eyo mipati yaka lundikidwe, ezyo nzo twiita kuti, zyeenzyo a ziyumwido, azimwi zimbi, zya kubweza bayandwa babo kuzwa mu zisaka. Elyo bantu bakali ali mbabo, buzuba kabutana, bakali kweenda kunze ly a myotokala mipati, kabaimba *Kosyoma Buyo* mu cisyobo cabu cacisi. Kwa kali kubonekela kubotelezya ncobeni kubona ceeco.

⁸ Elyo mukati omuya kwakali bamadokotela. Bunji bwabo baka langalanga twaabmo, kuba masimpe kuti twa kali luleme. Ta tuyandi kuzibya cintu, na kupulinta cintu, citakuti cakonzya kutondezegwa, kuba bwini. Ceelede kutondezegwa!

⁹ Nda zwaa kutambula lugwalo kuzwa ku... kaindi kainda. Lwa kaboola buyo kuli ndime. Ngu dokotela, musalesale wampupo mu Indiana. Muna Katolika, ku lusyomo. Alimwi mwana wakwe mulombe mupaizi mu St. Meinrad ku Jasper, Indiana. Oyu wakali Dr. C. Ackerman. Elyo Nda kacitika kumuswaana mu lweendo lwa kuvwima, lomwe. Elyo wakali kuvwima kwa myaka ili kkumi aumwi, kwa banyama ba elki. Wa kakakilwa kujana yomwe. Elyo busiku obo, twa kakkala mane kutandila tuu okuloko, kwaambaula kujatikizya Mwami.

¹⁰ Nda kamvwa dokotela oyu kuti wakaliko kutala okuya ku kkeempu. Aboobo cindi ni Nda kasika okuya, Nda kali kulangila kubona muntu umwi sikamikami a sikancimwa. Pele Nda kaswaana musyobo mubotu, wa muntu singuzu. Wa keenda kumbele, kati, "Sena nduwe Mukwesu Branham?"

Elyo Nda kati, "Iiyi, munene, Ndime."

Elyo wa kasukana janza lyangu. Wa kati, "Ndime Dr. Ackerman."

Nda kati, "Ee, Nda kkomana ncobeni ku kuziba."

¹¹ Twa katalika kwaambaula makani aa Leza, a kujatikizya obo kuti na Wa kali Leza lyonse, We elede kacili Leza, nape Ta kali Leza. Mwabona? I Leza wakaindi tali kabotu sunu, ikuti na Tali nguwenya ku bantu sunu mbuli Mbwa kabede kaindi.

¹² Aboobo, kutandila thrii okuloko, swebo, oh, i—i mweenzyi waka tusinsimuna. Elyo kali... Nda kali kusololela, ambebo, aboobo twa kali kuyanda kubweza musinzo, kutola bantu besu ku masena aindene oko nko twakali kuno sololela. Kuya buselemuka musinzo, Dr. Ackerman wakaabilwa kuli ndime.

¹³ Elyo kuya buselemuka musinzo, wa kaimikila, aniini kakutanaba bucedo. Kabikka janza lyakwe aa kkuko lyangu, kati, "Mukwesu Branham?"

Nda kati, "Iiyi, munene, dokotela."

¹⁴ Wa kati, "Nda lamwa cakumaninina kujatikizya Jesu Kristo." Wa kati, "Ndi jisi mulombe, yebo ulizi, walo mupaizi okuno ku buyake bwa nkamu yabakombi bazikonke."

Elyo Nda kati, "Iiyi, munene."

¹⁵ Wa kati, "Ndili muna Katolika, ku lusyomo. Ndi yeeyela kuti eyo ni mbungano." Wa kati, "Ee, Nda syoma ikuti—ikuti na Wa kali Leza lyonse, Ngu Leza wa bantu boonse."

¹⁶ Nda kati, "Obo mbombubo ncobeni. Wa kalenga bantu boonse. Elyo ku Bulowa bomwe Wa kapanga masi oonse."

¹⁷ Elyo wa kati, "Iiyi, munene, Nda syoma obo." Kati, "Nda kabala mabbuku aako." Wa kati, "Nda amba kaziye aka. Nda syoma, ikuti na ula mulomba Leza, kundipa elki sunu, Ndila mujana." Kati, "Myaka ili kkumi aumwi Nda kabavwima; waka jatwa mu maguwo aamvula aa caanda."

¹⁸ Nda kati, "Ndila lomba Mwami kukupa omwe, dokotela. Nkukoonse Nkwe konzya kucita." Elyo cindi Ne ka Mu lomba, kamu kombela. Nda kati, "Dokotela, aa naini okuloko eni, cifumo cino, Mwami ulakupa ii—ii musune wa elki."

Elyo wa kati, "Nda cisyoma."

Nku koonse nkwa keelede kucita. "Ikuti na ula cisyoma."

¹⁹ Aboobo, mweenzuma a Ndime, katanta atala lya cilundi, a kulanga watchi. Aa naini okuloko ntobolo yaka dubuka. Wa kajisi elki poho wa meja ampanda zyosanwe. Twa kaunka a kumu gwasya ku banjizya.

²⁰ Ula leta balwazi bakwe kuti kabakombelwa. Ndi jisi buyo nsalensale lino, kuti ujisi kaambo ka kkulenge, mwanakazi kafwa ku kkulenge, wakali kuyanda kuulukila okuno. Pele Ndiya ku muunzi, bwa zona, kwamna, buzuba bwa zona. Aboobo Nda kamwaambila, kulindila buyo mane tuka boole okuya, tuya kukombela mwanakazi cindi twa kusika okuya.

²¹ Aboobo, mwabona, ntunji, ikuti na kaambo kalakonzya kutuulwa ku muntu cayeeya kabotu! Kuponesegwa kwa Buleza kwa citya kubandika kunji loko, a kwiindilizya kunji muli nkuko, mbuli mu zintuzyonse zimbi. Kufumbwa—kufumbwa musyobo wa bukombi na kufumbwa cintu, ula bajana basikwiindilizya.

²² Akwalo mu bana Mohammedi, mula jana nkobali, aba Hindusi. Kojana muntuumwi okuya, sikuupaupa wakaindi kalumbaizya matuwaristi, kulala a mpikila azimwi zimbi, gilazi. Pele kulaale mu masena amukati, kuli muntu oyo usyoma ncobeni muli ceeco. Uli mukucita ceeco ku cipaizyo.

²³ Elyo—elyo tu jana kuti mu zintuzyonse. Tu jana ciimo cakwiindilizya. Akwalo sikwiindilizya uulya kunji loko. Na, na, kufumbwa cintu!

²⁴ Pele ikuti na kaambo katondezegwa ncobeni mu Lugwalo, nkokuti kwiina cintu cikonzya . . . Ndi jana bamadokotela manji basyoma kwiinda Mbwe cita bakutausi basyoma. Nda cita. Nda cita ncobeni. Banji bala syoma.

²⁵ Nda kabuzigwa buzigwa abana Mayo. Ikuti na nyoonse muli cizi, wakali mutende koonse, a zintuzyonse. Elyo tubbadela tubotu twa bamadokotela ku masenaonse. Kwiina cintu. Bala kusyoma. Nda—Nda kajisi bamadokotela bakaboola kundaambila, mbuli ku muswaangano wakubuzyanya okuya, kati, “Ta tutaminini kuba basikuponya. Tu taminina kugwasya bulenge. Kuli musilisi omwe luzutu; oyo ngu Leza.”

²⁶ Mbangaye baka bala *Reader's Digest*, ya Donny Morton muniini, oyo ngo baka sainina, “waka ponesegwa”? Elyo, “I maleele aa Donny Morton,” *Reader's Digest*. Aboobo, kuti, oyo waka ndicitya kuba muswaangano wakubuzyanya ali ceeco. Oyo mulombe muniini wakalangwa buyo meso abana Mayo, Hopkins, a boonse babo. Elyo Mwami Jesu waka muponya, waka mubamba kuba kabotu.

²⁷ Elyo Florence Nightingale, mufu muzukululwa mupati wa Florence Nightingale, ku London, England. Waa kaulusigwa kuzwa ku Durban, South Africa.

²⁸ Elyo cintu teecaka pandululwa kabotu. Mbuli buyo i . . . mbuli ziindi zinji mu . . .

²⁹ Elyo Bunakristo tabupandululwi kabotu ku bantu. Bunakristo bwa katondezegwaa ku bantu mbuli bulembu wa kansiyansiya. Bunakristo Ncilenge cipona, Jesu Kristo, Leza wakabuka, oyo uupona a akati kesu lino. Bunakristo Muntu, kutali kansiyansiya. “Ku Mu ziba Mbuumi.” Kutali akwalo kuziba Ijwi Lyakwe; obo tabuli Buumi. “Ku Mu ziba,” alimwi Walo ndi Ijwi.

³⁰ Ii mulombwana waka ndaambila, kutali ciindi cilamfu cainda, wa kati . . . Nda kali kubandika buyo kujatikizya i . . . eco nco twa kayeeya kujatikizya Lugwalo lumwi mu Bbaibbele. Oyu mulombwana wakali sicikolo ukubwene. Wa kati, “Ee, tolizyi buyo Bbaibbele lyako.”

³¹ Nda kati, “Ndi limuzi Mukamwini kabotu loko.” Aboobo, eco nce cintu cipati, ikuti na Nda Mu ziba. Uyo mamela zimwi zyaco. “Ku Mu ziba Mbuumi.”

³² Elyo, lino, juunza cifumo, mu buyake okuno, okuya, muntu wangu ulanganya zya buelya, Dr. Lee Vayle, nkwalii okuno. Ikuti na kuli mibuzyo mu mizeeo yanu, amuboole, uyo iiingula, kucita kufumbwa cintu nca konzya, ku mugwasya. Dr. Vayle nkwalii okuno. Nda syoma ula abusena bumwi kusule lya buyake lino. Sicikolo mubotu loko, alimwi mwaalumi wakaiisigwa kabotu loko ku ncito. Aboobo, ikuti na umwi ujisi mubuzyo, na kufumbwa cintu, alimwi mubusena bwa kusola kuubuzya eno, mu muswaangano wa buleya mbuli obu, baa, amubone

Dr. Vayle. Inga uyo botelwa kwaambaula ku cintu cili coonse eco—eco nco yanda kwaambaula a nguwe. Elyo mpawo ujisi kuswaangana okuno, kuseeni. Elyo inga twa botelwa ku—ku swaana bantu okuno.

³³ Elyo, mpawo, Munsondo cifumo kunooli kwiiya kwa Munsondo, moonse mu dolopo. Ta tu—tu soli kubweza Munsondo, Munsondo cifumo na Munsondo masikati, mu auditoriamu okuno, nkaambo ta—ta cili kabotu.

³⁴ Nywebo mwabona, mambungano, mulimo wanu—wanu uli ku mbungano yanu—yanu. Elyo cindi mbungano noili mukuba a miswaangano, obo—obo bweelede kuba busena bwanu. Elyo ta tuyandi mutu uli oonse kuzwa, cindi mwano jisi bulizi bwa mulimo wanu wini waku kujanika. Ikuti na mbungano yako ili mukuba a lubukulusyo, nkabela twa citika kunjila mu dolopo omo momu jisi lubukulusyo, ta tukanzi kucita ceeco, pee. Tuli waano mu luswaanano lwa Bunakristo, kulekelana, ku bukanze bubotu ku bantu boonse, mambungano oonse. Ta tu . . .

³⁵ Nse zulilwi ku kabunga kali koonse, pee. Nse zulilwi ku kabunga kali koonse. Ndili—Ndili Munakristo buyo. Elyo Mebo, oko nkoongelezya Nkwe jisi, Ndi sola buyo kukubelesya ku—ku kulemeeka Kristo, a kuleta basizibi ku kweempwa. Elyo nku koonse Nkwe zyi kucita. Kulangila, ku Buzuba obo, a kusyoma kuti Uyo ti, “Kwa kacitwa kabotu.” Elyo ayo majwi Nge yanda kwaamba . . . ku Mu mvwa kaamba.

³⁶ Nda kalibuzya kanji. Nda kali kuyanda ku Mu mvwa cindi Na kaima a kutandabika maboko Akwe buzuba obo, a kwaamba, “Amuboole kuli Ndime, nyoонse nomu katede a nomulemedwe.” Lino, eco cakainda. Pele, “Kwakacitwa kabotu, mulanda Wangu mubotu uusyomeka,” kuyooba kuciindi ciciza. Elyo, Mebo, Ndila pona kuyanda kuya kumvwa ceeco kwaambwa.

³⁷ Elyo lino, mpawo, Munsondo masikati, tuyo kombela balwazi. Ziindizimwi bantu batondeka kuli ceeco mbuli miswaangano ya kuponesegwa. Lino, tauli muswaangano wa kuponesegwa. Walo mupailo wa baciswa. Mwabona? Tula kombela balwazi. Elyo, kanji, nce cindi zintu nozicitika, ncindi twa kombela balwazi.

³⁸ Ndi yanda bakutausi boonse, mu cisi coonse, kuli koonse, abo basyoma, kuboola, kuba masimbe kusika Munsondo masikati, kwiiimikila andiswe kucindi twano pailila baciswa. Kakutakwe kulanganya obo kabungwe kako mbo kabede, na kufumbwa mbo kabede, ta tukwe makani aceeco. Masimpe, uli jisi luyando ku bantu bako, a ku bantu abo mbantu ba Leza, a bantu abo bayanda kuponesegwa.

³⁹ Amuyeeye, cindi wa ciswa, bulizi bwako butaanzi mbwa kubona dokotela wako a kubona eco ncaamba. Elyo mpawo ikuti na kulangwalangwa kwa kaambo ka cintucimwi eco—eco nca takonzyi; sayaansi, sayaansi ncoya taa konzya kuyubununa kuli

nguwe ku lugwasyo luli loonse kuli nduwe, mpawo uli jisi nguzu zya kuboola kuli Leza. Walo Musilisi mupati. Elyo mpawo... .

⁴⁰ Elyo kukomba, akuba a mupailo waku citila nduwe. Bala cicita, beeleda kucicita, mu mbungano yoonse ya Banakristo. Antela, bala cita awa. Ta ndizi. Pele bunji bwa masena, Banakristo bala bakombela baciswa babo. Presbyteria a bunji bwabo bajisi miswaangano mipati yakuponya koonse ku nyika, a zibeela zyandeeene zya cisi, kukombela balwazi, a kuba a kuzwidilila kupati; Presbyteria, Lutherani, Methodisti, bunji bwabo.

⁴¹ Lubukulusyo lwabo lupati lwa katalika a miswaangano yanguzu ya kuponya. Elyo aboobo ba kazwa kuli ndulo, mubwini. Nkamu mpaya yanjila, balo, cikama ca baalumi ciboola antoomwe aku Lwa abaula munzila njo bayanda, elyo mpawo awo kuzwa kuli Ndulo, nywebo mwabona, kujokela nkoonya ku kansiyansiya ako, mbuli ba Farisi aba Saduki ba ciindi ca Mwami Jesu.

⁴² Pele lino, mukutausi aumwi uli tambidwe, Munsono masikati, kuboola a kuba a ndime, a—a kundi gwasya mbuli mbo tukombela balwazi. Mukalete balwazi a bapengede banu.

⁴³ Lino, tu soleka kulekela bantu lino... kujana basizibi abo batazi Mwami wesu, abo bata mvwisyi kuti Ta fwide. Ula pona. Ta, Ta fwide pe. Ula pona, kwalyonse. Elyo Wa kat, "Nkaambo Ndila pona, mula pona anywebo." Ino ncisyomezyo, a kuumbulizingwa, cindi twa bona ciindi ka ciswena!

⁴⁴ Boonse Banakristo beni bala syoma kuti Kuboola kwabili kwa Kristo kuli afwaafwi. Kulale buti, ta tuzi. Sena mwabona Alaska kai jisi mizuzumo yanyika imbi minji asunu? Umwi wayo, canguzu mbuli umwi mutaanzi mbowa kabede, biyo tii wackaizungaanya kuwa. Nywebo mulizi, Jesu wakati musyobo wa zintu ziyo critika kakutanaba buyo Kuboola Kwakwe.

⁴⁵ Elyo, amuyeeye, zintu ezi nzo mubona kazicitika okuno, Ijwi lya kaamba kumbele kuti ziyooba okuno, mbubonya buyo Mbwa kaamba kumbele kujatikizya mizuzumo yanyika. Aboobo, antoomwe, nkaambonzi ta tukonzyi kubikka myoyo yesu antoomwe, aku cinjizya mu Ijwi lya Leza, a kusyoma a myoyo yesu yoonse? Ncibotu.

⁴⁶ Lino, busiku bwainda, twa kali... Nda kabweza cibalo ca Abrahamu, cindi na kaita zina lya Mwami oyo waka libonya kuli nguwe kutala okuya ku cituuzyo ca mwana wakwe, oko nkwickali kuunka. I zina lyakali kutegwa *Jehova-Jire*, eelyo lyaamba, "Mwami uyo libambilila Mwini cituuzyo."

⁴⁷ Lino, sunumasiku, Ndi jisi Magwalo masyoonto a bulembu, na obilo, aailembedwe aapepa awa, ayo Nge yanda kumu—kumu siila. Lino, katutaninga buyo kucita, atu kombe asyoonto buyo, alubo.

⁴⁸ Taata, twa komba kuti Uyo bweza Ijwi Lyako . . . “Ijwi Lyako Mbwini.” Elyo Bbaibbele lyakati, Jesu kakanana, wakati, “I Ijwi ni Mbuto eyo sikumiza njá kamiza.” Lino tula mvwisya kuti na mbuto yalo ni mbuto mbotu, inga yamena. Elyo na eyo mbuto ya kacitwa, ku mabambe ayo mu—mu luyando lwa Leza, mpawo inga yasiya mbuto yakamena. Elyo cindi Jesu nakali aa nyika, Wa kali Musaansa oyo. Elyo mbuto eyo Nja kamiza lyakali Ijwi Lyakwe, alimwi tu lizi kuti ilamena kwiinda ku Buumi Bwakwe Mwini.

⁴⁹ Elyo tu lizi kuti mbuto, cindi ya wida mu musyobo mubotu wa bulongo; kutali atala a myaala, kakutakwe muyanda; nanka mu maamvwa a tukoka, ayo aya kwiiiyasaula cakufwambaana; pele mu lusyomo, luvubide, lujisi munzuka. Imbuto zyonse ziyo zyalá misyobo yazyo.

⁵⁰ Elyo tu lizi kuti mbuto yoonse, na cisyomezyo ca Leza, ciyo zyalá musyobo waco, eco nco cakasyomezya, ikuti na yauma i li—. . . bulongo bubotu, bulongo bwaka bamwa, kale; oonse i—i mabwe aka gwisigwa, a miyanda, a mbulwe, a kuliyanada, a kancimwa, a bbivwe, zyonse zya kanonkolwa; oyo muyanda wa ndulwe walo uusonsa, oyo ziindizimwi ubisya loko cintu eco Leza ncasola kucita. Twa komba, Leza, kuti eco tacikabi akati kesu, pele kuti Ijwi bbotu liyo jana busena bubotu muli baaba.

⁵¹ Mbuli mbo tutobela sikale oyu mupati, Abrahamu, mu ciiyo sunumasiku, akube kuti tu jane busena bwesu, mukuziba kuti tuli bana ba Abrahamu, ku lusyomo muli Kristo. Elyo, mpawo, jana bulemu ku Zina Lyako Lini a lulemeko, nkambo twa cilomba mu Zina lya Jesu Kristo. Ameni.

⁵² Tula baanga twa jokoloka aniini sunumasiku, ku ciiyo ca ceeco nco twakali kukanana mangolezya ainda. Eco cakali, kuti, twa kajana Abrahamu kutilikila, mu Matalikilo cipati 12. Ncobeni, zina lyakwe lya kaambwa mu cipati 11, cindi bawisi niba selumuka kuzwa ku Babuloni elyo baka kkala mu—mu Ur a ceeci . . . cisi ca bana Chaldea.

⁵³ Elyo mpawo tu jana kuti, akwalo, kuti Leza wakaita Abrahamu, muntu buyo walyonse ku zina lya Abramu. Ta kali naba Abrahamu. Elyo, a Sarah, “Sarah,” Sarah takali naba Sarah. Aboobo tu jana kuti, Sarah a Sarah akali obile ainde—. . . akali mazina obilo aindene. Elyo Abramu a Abrahamu akali mazina obilo aindene.

⁵⁴ Lino tu jana kuti, muli ceeci, twa kamuleta busiku bwainda, kusikila kusimpikizya, cakuti Leza waka simpikizya kuli nguwe cipangano, obo Mbwa kali kuyo tondezya kuli Abrahamu kuti Wa kali kuyo bamba cisyomezyo Cakwe. Eco cijanwa mu cipati 15 ca Matalikilo. Obo nzila . . . Elyo Abramu wakaitwa ku mangolezya, kuti aselemuke, kujaya munamani na impwizi niini, alimwi i mpongo, alimwi a mugutu wa mbelele. Alimwi twa ka njila masiku ayo amamanino, obo

bazyazi bobile alimwi a mweenze. Elyo mpawo nziba zyobilo, na nkwilimba a nziba, ili mukwasyi omwe; a kujana ciiminizyo ca ceeco, eco lyoonse cakali kwiiminina kuponesegwa. Kwalo, tii cakacinca. Kuponesegwa lyoonse kwakali kwinda ku lusyomo. Pele mulungo, mubwini, wakaabaulwa kuzwa ku buumi bwa munyama kuya ku buumi bwa muntunsi.

⁵⁵ Lino, mu Cizuminano Cakale, cindi mukombi nakasika a bulowa. Leza uswaanganya biyo bantu kunsi lya Bulowa bwakatika, busena bulikke Mbwa kasola kucita na kusola kuyooba. Ta kakuswaani a kansiyansiya kako. Ta kakuswaani a Iwiiyo lwako. Uyo kuswaana kunsi lya Bulowa; obo mbo busena bulikke. Boonse ba Israyeli bakakomba kunsi lya bulowa.

⁵⁶ Elyo tula jana awo mpawo, akwalo, kuti twa kajana (inzi?) kujoka ku makani akale aacintu, nzila cipangano mbo cakapangwa aabantu, alimwi tu jana kuti mu musyobo Wakujwe a nzila zyandeene nzoba panga cipangano. Elyo nzila mbo tucita sunu, kwiinda ku kusukana maanza, azimwi zimbi, akwaamba kuti, "Ko cinamatika!" Elyo ba Japanizi bawaala munyo kuli umwi aumwi, kuba cipangano.

⁵⁷ Elyo—elyo kweenda kuzunguluka inyika, elyo mujana kunji kwa inyika kacili mu ciimo nciconya mbo cakabede kaindi mu mazuba ayo, kapati ku masi Akujwe a Kujwe. Bbaibbele lyanu liba bbuku lipya ikuti na mwasola kuunka Kujwe, ta muka... kaindi mu Jerusalema, Palestine, kaindi omuya. Muyo... I Bbaibbele, Lili lembedwe mu ii... Tuli bantu Bamakuwa okuno, a bantu Bakumbo, kusola kumvwisya bbuku lya Chikuwa, aboobo ncintu ciyumu loko. Ikuti na mwajokela okuya, muyo jana lukwatano a zintuzyonse, alimwi mbubonya buyo nzila mboba kacicita mu ciindi ca Kristo. Zintu zinji tazina cinca pe, mu zilengwa a nzila zyabo.

⁵⁸ Elyo lino swebo, muli ceeći, tu jana kuti cindi niba kapanga cipangano eci mu mazuba ayo, ba—ba kacilemba aa cikutu cambelele, na—na cikutu. Elyo mpawo bakajaya munyama, a kwiimikila akati ka tubeela. Elyo kamutenda, eci cipangano cabo, na mu bubilo, majwi abo; ka cikwela mu bubili, mbuli *boobo*. [Mukwesu Branham wazapula kapepa mu bubili—Mul.] Elyo cindi niba kaboola antoomwe, *ezi* zyakacita kunjilana kabetu mbubonya ncobeni. Kacita kukwanya, kabeela ku kabeela, kutegwa kacita kkopololwi mu bubili. Aboobo nkikaako tula jana mpawo, kuti, mu ciiyo cesu busiku bwainda, twa kajana kuti eco Leza nca kacita kutondezya kuli Abrahamu kujatikizya cipangano Cakwe.

⁵⁹ Lino, Abrahamu, cisyomezyo caka pegwa kuli Abrahamu a Lunyungu lwakwe kuzwa nguwe. Kutali buyo Abrahamu, pele Lunyungu lwakwe. Lino, lino, lunyungu, lunyungu lwa kunyama ilwa Abrahamu, wakali Izaka; pele Lunyungu lwa kumuuya ilwa lusyomo lwa Abrahamu, wakali Kristo. Kutali kwiinda muli

Izaka, nyika yoonse yaka lelekwa; pele kwiinda muli Kristo, Lunyungu lwabwami, nyika yoonse yaka lelekwa, nkambo Wa kafwida bantu boonse, masi oonse a bantu boonse.

⁶⁰ Lino tula bona muli eci, akwalo, mu cipangano eci, kuti Wa katondezya okuya eco Nca kali kuyo cita, obo Leza mbwakali kuyo zapaula Kristo Jesu. Elyo mubili waka busigwa a kukkala ku janza lyalulyo lwa Leza a Mupati Kujulu, a Muuya wa Kristo waka letwa ansi aa nyika.

⁶¹ Lino ikuti ni twali jisi ciindi, nimwa konzya kutondezya ceeco. Kufumbwa cintu, cibeela comwe ca Lugwalo caamba kuti, Ci lainka mu nzila yoonse mu Bbaibbele. Ikuti na Ta cicit, nkokuti kuli—kuli cintucimwi cilubide. I Cakale cakali cimvule buyo ca Cipy, ku Ci tondezya kumbele. Mpawo, ikuti na mwvisya cimvule, inga waziba kabotu loko obo Cipy mbo cibede. Aboobo mpe mpawo Mpa kabede, mpabede ampaya kuba.

⁶² Lino oyu Muuya wa Kristo waka jokela aa Mbungano, mbubonya kwakazulizya Johane 15 alubo, awo Mpa kati, “Ndili Musaansa, nywebo muli mitabi.” Elyo mpawo alubo, Johane 14:12, “Oyo usyoma muli Ndime, milimo eyo Nje cita uyo icita awalo,” milimo njionya, cintu nciconya. Kuyabuya ansi kwiinda mu Lugwalo! “Ikuti na mwakkalilila muli Ndime, a Ijwi Lyangu muli ndinywe; amulombe eco nco muyanda, ciyo pegwa kuli ndinywe.” Zintu zinji ezyo Kristo . . .

⁶³ “Ii kaindi kaniini nkabela inyika tiika Ndi boni limbi. I *inyika*,” okuya bbala lyaci Griki *kosmosi*, eelyo lyaamba *mabambe aa inyika*, “taika Ndi boni limbi. Nekubaboobo moyo Ndi bona, nkambo Mebo,” *Mebo* mukuba bbala lyaamba muntu mugame, “Njo oba a ndinywe, akwalo muli ndinywe, kusika ku mamanino aa nyika,” kubamba Jesu Kristo kuba mbobuca nguwenya, sunu, amuya myaaka. Walo—Walo—Walo ucili mbubonya. Wa kabuka kuzwa ku bafu. “I inyika, sikutasyoma, tabaka Ndi boni.” Taba ka Li zibi. Pele musyomi uyo Mu ziba, nkaambo Ngu Jesu nguonya oyo Mbwa kabede lyoonse. Ta kacinca. “Mbobuca nguwenya, sunu, amuya myaaka!”

⁶⁴ Elyo lino, a Ijwi eelyo, bantu banji basola kupanga Eelyo mbuli kuti Tali nanikidwe. Lino, Ndi yanda kwaamba cintucimwi awa lino, caboola buyo ku mizeezo yangu.

⁶⁵ Elyo Nse syomi kuti cikambaukilo cibambilidwe kuba busena bwa kudana. Obu tabuli busena bwa kudana. Oku nkusinizya. Elyo mbuli mbo tubona Buzuba bwa Mwami kabulibonya, tweelede kuba akusinizya loko.

⁶⁶ Pele kwakali i—i kaano kakaambwa kuli ndime, ciindi cimwi cainda, ka i—i mulombwana mukubusyi oyo . . . Oko kakali ku Boston, elyo wakazwa. Wa kajisi banyina babotu, ku kusaanguna, ku kutilika kaano, elyo banyina bakaziba ncobeni kuti mulombe wabo waka jisi kwiitwa mu buumi bwakwe, ku

kubelekela Mwami. Elyo eco inga—eco inga cagwasya mutumbu uli oonse, cileelede kucita, mutumbu wini uli oonse, kuziba kuti mwana wabo...kuti Leza waka balemeka a mwana uyo kambauka Makanimabotu. Eco ceelede kuba ciyandisi ku buumi bwa mutumbu uli onse. Elyo aboobo mutumbu mucete, kasola kucita zintuzyonse nzya kali kukonzya, waa kamutuma ku cikolo, a ku seminari, kuyo tambula yakwe—yakwe BA.

⁶⁷ Elyo aboobo kuciindi katako, banyina bakaciswa kapati. Elyo aboobo walo, mbuli Munakristo uli oonse mbwanga wacita, ba kaita dokotela. Elyo dokotela...Waa kajisi kamano ka ku mapunga obilo. Elyo dokotela wakasola koonse nkawakali kukonzya kumu citila, ku—ku lingula kamano, nkabela kwakanyina cintu. Wa kaba pede madragi aa—aa salufa, peninsilini, amwi ambi, aku—aku jaya tuzunda, nkabela tii wakabeleka. I banyina bakaindila kuciswa, cakuzumanana. Aboobo ba katuma ijwi ku mwana wabo, oyo wakali kulaale kumusanza ku Asbury, Kentucky, ku Wilmore College, ku boola a kuswaya....ku babona nkaambo ba kali kuyo fwa. Elyo mpawo cifumo cakatobela, cindi mulombe nakali kulibambilila kunyamuka, baka tambula telegiramu, “Banyoko bali kabotu loko. Lindi kwiitwa kumbi.”

⁶⁸ Kutandila mwaka nikwa kamana, mwanakazi waka jisi coolwe ca kubona mwana wakwe. Wa kabweeda ku muunzi ku ciindi cakulyookezya a ciindi kupumuna ku cikolo cakwe. Elyo wa kati, “Baama, Nda kamvwa kuti muli kabotu,” niba kamana kuba aciindi ciniini ca luswaanano, mbuli mwana a banyina mbo bakali kukonzya kucita. Kati, “Tii—Tii ndakamvwisyeyo dragi dokotela njia kacinca, ku citya ciimo canu—canu kuba kabotu cakufambaana.”

⁶⁹ Elyo waa kati, “Mulombe, tii—tii cakali eco.” Waa kati, “Yebo ulizi awo missioni eyo niini mpoibede kunselelo lya kagwagwa awa, balo bantu kunselelo okuya kuti...”

Kati, “Iiyi, Nda iyeyea eyo.”

⁷⁰ Kati, “Kuli mulindu wakati waa kalimvwa kusololelwa kuboola okuno a kundi lomba ikuti na mweembeli wakali kukonzya kuboola kuzondi kombela. Elyo aboobo Nda kamwaambila kuti cakali kabotu.” Aboobo kati, “I mweembeli wakasika a kucibala kuzwa mu Bbaibbele, ‘Ikuti na umwi akati kanu, balwazi, aite baalu, a ku bananika mafuta; ku bakombela. I mupailo wa lusyomo uyo vuna balwazi.’” Elyo kati, “Yebo ulizi, wa kabala eco kuzwa ku Lugwalo, nkabela waka ndikombela a kundinanika kubelesya mafuta. Elyo—elyo cifumo cakacilila, Nda kali kabotu maningi kusikila dokotela waka ndilekela kukkala. Mu mazuba masyoonto Nda kali kabotu.” Ee, wa kati...Kati, “Oh, alumbwe Mwami!” Waa kati, “Mulombe, weeleda ku...”

⁷¹ Wa kati, "Baama, mwatalika kulilemeka mbuli bantu abo." Kati, "Amuswiilile, baama." Kati, "Twa kaiya kutala ku cikolo oko nkwa kabala okuya, Lugwalo lwabili ndwa kabala lwakali muli Marko 16, oko, 'Ezi zitondezyo ziyo batobela abo basyoma. Bayo bikka maanza aa balwazi nkabela bayo pona,'" kati, "twa kaciya kutala okuya ku cikolo eco Marko 16, kuzwa ku kampango 9 kuyabuya, ta cinanikidwe." Kati, "Nywebo mwabona, bantu abo tabainki ku cikolo, bunji bwabo kunselelo okuya. Taba yiide, musyobo wa bantu batayiide." Kati, "Ba—ba kanzila kabetu, kwiina kuzumbauzya." Pele kati, "Twa kaiya ku cikolo kuti, kuzwa ku kampango 9 kuyabuya, eco caka yungizigwa buyo, antela ku Vatican na cintucimwi, pele," kati, "nkaambo eco cibela taci nanikidwe."

⁷² I mutumbu muniini wakalekela mupati maningi, "Aleluya!" Elyo aboobo waa kati . . .

Wa kati, "Baama! Ee, ncinzi cimubamba kwaamba ceeco?"

⁷³ Kati, "Nda kali kuyeeya buyo, mulombe, ikuti na Leza waka konzya kundiponya kubelesya Ijwi lita nanikidwe, ncinzi Nca kali kukonzya ncobeni kucita a Ceeco cinanikidwe ncobeni?"

⁷⁴ Aboobo—aboobo mbuli zisyomezyo zimbi. "Amulombe kufumbwa cintu mu Zina Lyangu, Ndiyo cicita." "Ikuti na waamba ku dundu eli kuti, 'Ko zyuka,' a kuta zumbauzya mu moyo wako, pele kusyoma kuti eco ncoamba ciyo citika, inga watambula eco ncoamba." "Cindi wakomba, syoma kuti watambula eco nco lomba, nkabela ciyo pegwa kuli nduwe." Mwabona, Lya kananikwa lyoonse, kabeela koonse ka ndilyo.

⁷⁵ Cindi Morris Reidhead, sicikolo mubotu loko, kaboola ku ng'anda yangu, wa katambula lubbizyo lwa Muuya Uusalala; wakawida atala lya tafule lya kkofi liniini mu ng'anda. Wa kati kuli ndime, kati, "Mukwesu Branham, Ndi mvwa kuti wakali i—i . . . Uli muna Baptisti."

⁷⁶ Elyo Nda kati, "Ee, Nda kananikwa buyo, mbungano ya Missionari Baptisti, mbuli mulombe; Nse zulilwi ku . . ."

⁷⁷ Kati, "Ee, ncinzi aba ba Pentekoste ncobali anduwe munsi koonse?"

Nda kati, "Mbantu buyo mbuli nduwe a Ndime."

⁷⁸ Wa kati, "Ee, swiilila," kati, "sena uyeeya kuti oyo Muuya Uusalala ngo ba jisi?"

Nda kati, "Masimpe."

Wa kati, "Nkaambonzi koonse kubbompa akweenda akuzyana a koongolola?"

⁷⁹ Nda kati, "Ee, beelede kufulida busi kuzwa ku ludweba. Ikuti na taba ibelesyi, kuzunguluzya mavwili." Nda kati, "Uba ba—ba kwiiya buyo coonse mbo cibede, mibusena bwa

kucifulida munzila eyo. Cibikke kubeleka, lusyomo, aanze mu kagwagwa, kusola kunjizya bantu, mu Bwami bwa Leza.”

⁸⁰ Elyo wa kati, “Ee, Nda kaba bona kabacita zyoonse ezyo.” Kati, “Ndila kwaambila kaambo Nceli waano.” Kati, “Ii mulombe mubotu uuzwa ku India,” kati, “wa kajana lwiiyo lwakwe a cikolo.” Kati, “Mebo, cindi Ne kali kuyanda kuzwa, kumutola ku ndeke, kuyo mubikka mu ndeke, kuyo mujosya ku masi ambi, Nda kati kuli nguwe, Nda kati, ‘Mulombe, lino ujisi lwiiyo lwako, ujokela ku bantu bako...’” Ndi yeeya kuti wakaiya ku... Nse citi... Ndi yeeya kuti nzya letronikisi.

⁸¹ Wa kaamba mpawo, kaamba, cindi nakatalika kujoka, wa kaamba, “Nkaambonzi yebo to... kasiya oyo musinsimi mudaala wakafwa, Mohammedi, a kujana Jesu Kristo wakabuka ncobeni mu moyo wako?”

Elyo wa kati, “Munene, Ndi yanda ku kubuzya cintucimwi.”

⁸² Lino amuyeeye, eci cizwa kuli cimwi ca zikolo zipati maningi zya Bbaibbele, zikolo zya mbaakani, oyu mulombwana wakali umwi wa bamayi babo.

⁸³ Wa kati, “Ino Jesu inga wandi citila nzi kwiinda musinsimi wangu mbwa konzya kucita?”

⁸⁴ Wa kati, “Ee,” wa kati, “Jesu wangu inga wakupa Buumi Butamani.”

⁸⁵ Wa kati, “Ma, Krani isyomezya cintu nciconya.” I Korani ndi Bbaibbele lyabana Muhammedi, nywebo mulizi. Kati, “Yalo isyomezya cintu nciconya.”

Wa kati, “Ee,” wa kati, “inzya, Nda...”

⁸⁶ Kati, “Yebo ulizi, Korani tii yaka syomezya cintu. Muhammedi taka syomezya cintu pele-pele buumi kwaakumana lufu.” Wa kati, “Jesu waka musyomezya nobamayi, kuti, ‘Ezi zitondezyo a zigambyo ziyo tobela.’” Kati, “Nee ncico Jesu nca kaamba.” Elyo wa kati, “Tu lindila kubona eco kacitwa, kubona ndinywe nobamayi ku citondezya.” Amu ciyeeye!

⁸⁷ Wa kati kuli ndime, “Mpoonya awo,” wa kati, “Nda kaziba kuti tii Nda kaswaana mulombe wa kakomena buyo mu busiku bomwe. Elyo Ndi lizi... Umwi oyo wakazi eco ncakali kwaambaula.” Antela inga cicita. Pele eyo nje nzila mbotu ya kucicita, kalekele sinkondo aka kusotokela ali nduwe ciindi cimwi mbuli obo elyo mpawo toka zibi kwakuya. Mwabona? Aboobo wa kati, “Nda kaziba kuti oyo takali mulombe wakakomena mu busiku bomwe.”

⁸⁸ Elyo wa kati—wa kati, “Ee, lino langa awa. Jesu wakabuka kuzwa ku bafu.”

⁸⁹ Wa kati, “Sena Wa cita?” Kati, “Mwa kajisi myaka ili zyuulu zyobilozyaku citondezya, alimwi kwiina eyo tuu theedi ya nyika yakasola ku Mu mvwa. Lino ino ndi penzi nzi kuli ndinywe

nobantu?" Wa kati, "Alekwe Mohammedi abuke kuzwa ku bafu, nkabela inyika yoonse iyo kuziba mu maora ali makumi obilo aone." Elyo mbo mbubo.

⁹⁰ Mwabona, ba jisi mbizi kabaimvwi ku cuumbwe cakwe. Nda kaibona okuya. Bala cinca balindizi kutandila maora oonse one, kumulangila kubuka, nekubaboo. Mu eikozyanyo omuya, kuboola aa mbizi iituba, mwabona, ku kuzunda inyika.

⁹¹ Elyo aboobo wa kati, "Alekwe—alekwe abuke kuzwa ku bafu, nkabela inyika yoonse iyo ciziba."

⁹² Wa kati, "Ee, Jesu wakabuka kuzwa ku bafu." Wa kati, "Musinsimi wako uli mu cuumbwe."

Wa kati, "Mbobuti mbo ziba cuti Wa kabuka kuzwa ku bafu?"

Mwiiyi wakati, "Uli mu moyo wangu."

Wa kati, "Mohammedi uli mu moyo wangu, awalo, munene."

Wa kati, "Pele Ndi jisi lutangalo a luumuno."

⁹³ Wa kati, "Munene, buna Muhammedi inga bwaleta buyo mbuli lwiyo lwa kulilemeka kwamiyeyo mbuli Bunakristo mbo bukonzya." Elyo bala cita. Mweelede ku bamvwa kabaongolola a kukwiila. Mbo mbubo. "Kutondezya kunji mbuli lwiyo lwa kulilemeka kwamizeezo mbuli Bunakristo mbo bukonzya." Wa kati, "Ee, ino upandulula nzi cindi waamba cuti Jesu wakasyomezya zintu ezi zyoonse kuli nduwe?" Kati, "Ndi yeeyela cuti utondeka kuli Marko 16?"

Wa kati, "Iiyi, eyo nje imwi yazyo. Kutali kumaninina, pele eyo nje imwi."

⁹⁴ "Jesu wakati, Majwi amamanino Nga kati ku Mbungano Yakwe, 'Kamuya nywebo mu nyika yoonse, mwabona, kuyo kambauka Makanimabotu, a zitondezyo ezi ziyo tobela musyomi.' Kulamfu buti? 'Inyika yoonse; zilenge zyoonse. Ikuti na babikka maanza abo aa balwazi, bayo pona.' I Majwi amamanino Nga kati, kweendelana ku Lugwalo lwako."

⁹⁵ Wa kati, "Ee, yebo wabona," kati, "eco buyo . . ." Kati, "Yebo wabona, eco cibeela taci nanikidwe." Kati, "Ta kali kwaamba ceeco ncobeni. Eco tii cakali . . ."

⁹⁶ Wa kati, "Taci nanikidwe na?" Kati, "Ino musyobo nzi wa Bbuku ngo bala?" Kati, "Yonse Korani ali nanikidwe." Humu! Nkuzundwa kwa bukompami bwa lwiyo lwabukombi, lwiyo lwa zyabukombi lwakabambwaaabantu olo luta jisi i—i Muuya kwiimikila a kulanganya cintu.

⁹⁷ Mbuli bana Bahebrayo mboba kaamba, "Leza wesu ula konzya kutuvuna kuzwa ku bbila lyamulilo eli, pele nekubaboo ta tukokotama ku cikozyanyo eci." Tu yandikana bantu bajisi camba. Muntu oyo wakasyoma Leza lyoonse wakali

sibukozu a kusyoma mu cigambyociinda. Muntu oyo usyoma Leza!

⁹⁸ Ba. Reidhead bakati, “Nda kabbompa cibuye, Mukwesu Branham, wakabompa lusuko mbuli *olo*, nkabela Nse kakonzya ku mwiingula muntu.” Wa kati, “Nda kakanza mu moyo wangu kuboola ku kubona kumane booboo, a kubuzya eci coonse mbo cakabede.” Elyo kati, “Mpaawa Mpendi.” Wa kati, “Ikuti na Muuya Uusalala . . .”

⁹⁹ Kati, “Mukwesu Branham, baama baka nditumina ku cikolo.” Elyo kati, “Mebo, cindi Ne kajana BA yangu, Nda kayeeya kuti kuli mbubonya . . .”

Nda kati, “Ndi lizi eco nco pandulula.”

¹⁰⁰ Kati, “Mpawo buzuba bumwi Nda kajana BA yangu, Nda kayeeya mpoonya awo kuti Nda kamu jana Kristo. Ta kaliko cindi Ne kajana Digrii lya Bwiiyi bwangu.” Kati, “Ndi jisi madigrii manji, madigrii abulemu, akupulasita bwaanda bwako, nkabela uli kuli Kristo muli onse awo?”

¹⁰¹ Nda kati, “Ndime Oyo we elede kwaamba kuti bamayi bali lubide? Pele tacili ceeco nco twaambaula. Walo Muntu, Kristo, oyo ngo mweelede kuziba.”

¹⁰² Lino mwaalumi ujisi miswaangano yanguzu koonse. Elyo Mwiiyi Lee Vayle okuya, mweenzuma wangu mubotu, walo mweenzinyin, awalo. Elyo ujisi kuzwidilila kupati, kukombela balwazi a kujatilila miswaangano yanguzu ncobeni a zintuzyonse. Nku kaambo kakuti muntu wakali kusyoma.

¹⁰³ Lino, mwabona, Muuya oyo wakali muli Kristo, mubili, Jesu oyo wakali Leza, Emanueli, i Muuya Uusalala, Leza, wakaseluka muli Kristo, alimwi Wa kabambwa kuba “Leza andiswe.” Elyo mpawo Wa kali . . . Oyo wa keelede ku tunununa; Bulowa Bwakwe bwakatika.

¹⁰⁴ Lino, mu Cizuminano Cakale, cindi mukombi nakasika a kubikka maanza akwe aa cipaizyo cakwe, elyo wa kakosola kameneno ka i . . . mupaizi wakacita, na katuula. I mukombi wakajata cituuzyo a maanza akwe, a kumvwa i—i kuzapulwa kwa mubili, nkabela kabelele muniini kafwa; mbutonge busyoonto kabuteta ku bulowa bwakwe, konse mu maanza a musyomi, abumwi bumbi, ka jatwa mu cijatililo, kuti kuumpwe atala lya cipaililo. I musyomi wakamvwisyia kuti weelede kuba nguwe kafwa ku cibi eco, pele kabelele wakali kufwa mu busena bwakwe. Lino, pele buumi bwakali mu bulowa obo, tii bwakakonzya kujoka aa mukombi, nkaambo bwakali bulowa bwa munyama, oyo uta jisi buntu. Pele mu . . . Nkikaako kwakali kwiibaluka kwa cibi, cakuzumanana.

¹⁰⁵ Pele, lino, Jesu mukuba Emanueli, mpawo Buumi bwa Leza bwakali muli Nguwe, nkabela obo bula joka; kutali buyo Buumi bwa muntu, pele Leza Mwini, mu ciimo ca

Muuya Uusalala, kujoka a kumubamba kuba bana balombe abasimbi iba Leza. Mpawo muli bana balombe abasimbi. Elyo mpawo cindi wamvwa kuzapaulwa, a kupenga kupati a cisubulo eco Jesu mwakaindamo, wakasabulwa, mulimo Wakwe wakategwa mulimo wa dyabolosi, "Bezebule," a kufubaazigwa, a kusabulwa, kwinda ku basololi babukombi, a kukakwa. "Wa kaboola kuli Bakwe Beni; Bakwe Beni tii baka Mu tambula." Elyo zintu Nzya kainda mo! Elyo mpawo kutuula buumi Bwakwe aa ciingano, ku kunununa baabo Leza mba kazikale. Kunununa; kucijosya ku busena oko nko—nko cakawida. Mpawo, Leza wakacita eco kutegwa kajosya Muuya Uusalala aa Mbungano eno, kuti Ci... bantu, basyomi. Nca basyomi buyo.

¹⁰⁶ Tacili ca batasyomi. Taba kaciboni. Bali fwide, kuzwa kumatalikilo.

¹⁰⁷ Amulange abo ba Farisi cindi niba kabona Jesu kacita citondezyo nciconya eco cakeelede kuba citondezyo ca Mesiya.

¹⁰⁸ Amulange Petro, wa kacisyoma lino. Elyo Nataniyeli waka cisyoma ndyoonya lino. I mwanakazi ku mukalo waka cisyoma; Batimeyu moofu. Boonse abo baka citambula, bala cisyoma.

¹⁰⁹ Pele abo basololi bakaimvwi awo a kwaamba, "Ngu Bezebule, muuya mubi, musyobo umwi wa lweeno na mancenjela."

¹¹⁰ Jesu wakati, "Mwa amba eco kulwana Ndime, Njo mujatila," cituuzyo tii cakalina bambwa, "pele cindi Muuya Uusalala waakusika kucita cintu nciconya, bbala lyomwe lya Ku usampaula taku kajatilwi mu inyika eyi naanka mu inyika iiciza."

¹¹¹ Nkaambonzi tiiba kakonzya ku cisyoma? Jesu wakati "Muli bauso wanu dyabulosi, a milimo yakwe moyo icita." Ni neconzyo.

¹¹² Kusyoma Ijwi, nku tambula Ijwi a ku Li lekela kuba Buumi. Lino, Leza katondezya okuya nzila Mbwa kali kutondezya cipangano eci. Ceelede kuba munzila eyo. I Mbungano! Kutali kabunga, kutali kabungwe; pele mugame a Leza beeleded kuba Muuya omwe. Obo mbo bukanze bwa Leza, ku matalikilo.

¹¹³ Adamu a Eva bakali muuya omwe. I Bbaibbele lyakaamba mu Matalikilo, mu 1:27, "Mu cinkozya ca Leza..." Leza Muuya. "Mu cinkozya ca Leza Wa kamulenga; mweenze a muzyazi waka Mu lenga balo," mu ciimo ca muuya eco cakali muli Leza. Elyo Adamu wa keelede kumamelia i—zya nyika, mbubonya mbuli Muuya Uusalala mbo weelede kusololela Mbungano lino. Elyo, nekubaboo, muntu takali mu mubili wabantu, alimwi wa kali koonse sibwaalumi alimwi akumbi wa kali sibwanakazi, nkaambo walo muuya omwe.

¹¹⁴ Mpawo Leza wakalenga muntu kuzwa ku bulongo bwa nyika, a kumubamba mu ciimo ca munyama. Kwalo, tuli banyama lino, tu lizi. Tuli—tuli mamamolo. Elyo oyo munyama

ujisi kusitikizya kukasaala kwa bulowa, alimwi tuli mu cinkozya eco ca buumi bwa munyama.

¹¹⁵ Elyo mpawo Leza waka bweza kabambo kuzwa kuli Adamu, kutali ii...ii mwanakazi ncipangulule ca mwaalumi, kutali mbubonya mu bulenge butaanzi. Wa kabweza kabambo. Wa kandaanya cakunyama, a kubweza muuya wa bwanakazi kuzwa kuli Adamu a kuubikka muli Eva. Kwakali mwaalumi a mwanakazi.

¹¹⁶ Elyo cindi bazwa mu masena ayo, balizwide mu ciimo cabو ciluleme. Ndoolo lupilingano kubusena bumwi. Cindi mwanakazi nayanda kuba sibwaalumi, na i-na i-na mwaalumi uyanda kulilemeka mbuli bwanakazi, kuli cintucimwi cilubide kubusena bumwi. Balizwide mu ziimo zyabo ziluzi.

¹¹⁷ Tula cibona muli Rabeka a—a Izaka, mukuba mukowa wini wa bulowa, mwabona, pele lino eco cakali kutondezya lunyungu lwa kunyama ilwa Israyeli. Pele, ku lusyomo, Kristo wakasika aa cilao, eco citali mubuntu.

¹¹⁸ Mboli citondezyo mbo cakabede, bulowa aa mulyango wa cikunguzyo, kumusanza mu Egepita. Takukwe makani obo mbo bakapalulwa kunji, obo mbo bakajisi cipangano, citondezyo ca keelede kutondezegwa na cizuminano caka lesegwa. Cilimasimpe. “Cindi Nda bona bulowa, Njo mwiindilila.”

¹¹⁹ Lino citondezyo tabuli Bulowa; bwalo Mbuumi bwakali mu Bulowa, Muuya Uusalala. Elyo eco i...Ta ndikwe makani obo mboli mukombi; wata tambula Muuya Uusalala, uyo loba. Eyo nje nzila ilikke. Takukwe Lugwalo lumbi lwa kucita cimwi, cita olo lulikke. “Muta penzyi Muuya Uusalala wa Leza kuli nguwo mwa kaandwa kusikila ku buzuba bwa lununuko lwanu,” ba Efeso 4:30.

¹²⁰ Amubone lino, twa jokela, mpawo eco citondezya kuti Adamu a Eva bakali bomwe, ku kutalika. Mulumi a mukaintu wakwe ba ceelede kuba bomwe.

¹²¹ Lino, pele cindi niba kandaana, mpawo, mu mibili wabantu, akali awo Eva mpa kawida. Kawida! Nkaambonzi? Ku kutasyoma Ijwi, bwaambe boonse bwa Ndilyo. Bantu bamwi bala konzya kubweza cibeela comwe ca Ijwi, pele kutali zyoonse. Coonse ceelede kubako. Mwabona? Mwabona? Waa kazumbauzya buyo bwaambe bomwe bwa Ndilyo. Elyo ikuti na malwazi aya oonse a mapenzi ngo twa kajisi lyonse lino kaboola kwiinda ku mwanakazi omwe kadonaika bwaambe bomwe bwa Ndilyo, mbobuti mbo tuyu jokela kuba cintu kunze lyaku Li syoma lyoonse, aku Li tambula lyoonse? Obo bwakali bwabo...Ba kali kwabilidwe aa Ijwi eelyo. Cindi niba kandaanya, mu mibili wabantu, ba kawa. Waa kawa, ku Ijwi. Waa...Amulangilile, ino wakali kuyandaula nzi?

¹²² Bantu banji loko asunu, ba yanda nzila mbotu loko, ya mafashioni ngubauba ikwelelezya. Ta bayandi kulana cintu eco

cibikkidwe kumbele lyabo. Ikuti na bacita, bala tandwa kuzwa mu kabunga kabo, ku tandwa, kayeeya kuniini.

¹²³ Sena tamuzi, kuti, “Bantu boonse bayo musampaula, cabubeji, ku kaambo Kangu. Amusekelele a kukkomana cakwiindilila, nkambo bulumbu bwanu muli ku Julu, nkambo mbubonya mbo bakapenzya basinsimi abo bakamu saangunina. Elyo boonse bapona cabuleza muli Kristo Jesu bayo penzegwa.”

¹²⁴ Lino ncinzi cimbi nco tu Mu yanda kwaamba? Zyuulu zya Majwi inga twa konzya, Magwalo, kujatikizya ceeco, inga twa tobezya kuzwa ku Matalikilo kusikaku Ciyubunuzyo.

¹²⁵ Eco kufumbwa cintu nco tujisi sunu, cakatalikila mu Matalikilo. Yalo ngu chapati ya mbuto. Koonse kutasyoma a zintuzyonse zyaka talikila mpoonya awa. I mbungano yakatalikila mpoonya awo. Zintuzyonse zyakatalikila okuya. Kuli mbuli misaansa yobile kaikomena, alimwi umwi ukkopela umbi, akulampa ncobeni kutandila kweelana.

¹²⁶ Mbuli Moabu a Musa awalo. Mpaawo kwakasika Israyeli, muniini, katakwe kabungwe, taakwe cisi pe. Elyo baka jisi cituuzyo nciconya awa muli Moabu; kabungwe kabetu, boonse balemekwa babo baka yutuka, baka tuula cituuzyo nciconya. Kusola ku...Bbishopo wabo kutala okuya, Balamu, kaselemukila ku kusinganya ceeco Leza nca kaleleka. Ba kayeeya, “Aba bantu bazangi! Taba jisi noiba mbungano ku muunzi, mbuli mbo yakabede. Mbe basikutuntulika buyo koonse.”

¹²⁷ Elyo Wa kat, “Pele baakakilwa kumvwa koongolola oko kwa Mwaami mu cilabba. Wa kakakilwa kubona oko kuponesegwa kwa Buleza ka kunjila omuya, kwiinda ku nzoka eyo. A Mwaala wakaumwa, ku bapa buumi! I koongolola kwa Mwaami mu cilabba!”

¹²⁸ Wa kaalilwa kubona Ceeco, oyo bbishopo wakoofwaazigwa. Pele nekubaboobo, cambaakani, wa kali luleme mbuli Musa mbwa kabede; zipaililo zili ciloba, zituuzyo zili ciloba, akwalo wa katuula mugutu wa mbelele, kukanana zya kuboola kwa Kristo.

¹²⁹ Pele Leza tayandi muntu uuli oonse ku Mu pandulula. Ngu sikupandulula Lwakwe Mwini. Ula panga cisymezyo, mpawo Ula cibamba kucitika, alimwi obo mbupanduluzi bwa ncico. Taakwe muntu weelede ku cipandulula. Leza talombi umwi. “I Bbaibbele talikwe bupanduluzi bwa kumuntu omwe.” Bantu boonse basola ku Ly a ambu obu, obo. Amulekele Leza akanane Mwini. Ngo Nguwe ucicita. Wa kapanga cisymezyo; Ula ima kunze lya ncico. Ula cita, ku basyomi.

¹³⁰ Pele batasyomi taba tambuli cintu. Tacili cabu. Bali fwide, ku kutilika. Taakwe noba kasola kwiimininwa. Taakwe cintu muli mbabo. Ni ntalisyo zifwide. Tamu yandi kuba boobo.

“Amu zuzigwa a Muuya!”

¹³¹ Amubone, Wa kandaanya Eva a Adamu, nkabela waa kawa. Adamu wakeenda a nguwe. Lino, “Adamu ta keenwa.” Eva wa keenwa. Pele Adamu, Adamu mutaanzi, wakali mwana wa Leza awalo. Elyo wa kazwa nkaambo ka luyando lwa Eva, kusola ku mujosya, nkaambo wa ka tuyanda.

¹³² Kristo wakacita cintu nciconya, ku Mu nununa kujoka. Ku nzi? I Ijwi. Ncinzi caka citya kuwa? I Ijwi, kutasyoma Ijwi, Ijwi lyoonse. Elyo Kristo wakasika kutegwa Ako nzye kuba umwi wesu, Buumi Bwakwe muli ndiswe, ku kuzumanana Ijwi. “Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mubili wabuntu a kukkala akati kesu. I mbobuca nguwenya, sunu, amuya myaaka.” Leza nguwenya! Nke kaambo Nca kaboolela, kucita ceeco.

¹³³ Lino tu jana kuti, mu kusimpikizigwa, kutu nununa kujokela kuli Lwakwe, kunununa bana basunda abo bakaleya kuya mu mamoccali aya; a kujokela ku Ijwi alubo, kujokela ku Ijwi ly katondezegwa!

¹³⁴ Lino balo ba Juda, cindi Jesu nakasika, ba kali kukonzya kwaamba kuti, “Tuli jisi Ijwi. Tuli jisi Ijwi. Nceeci Musa nca kaamba. Tuli basikwiiya ba Musa.” Jesu, myaka biyo iili kkumi aibili yakukomena, kakazyanya ambabo. Elyo mpawo cindi... Mwabona, eco nce ncico muntu nca cita kuli Ncico.

¹³⁵ Pele Jesu wakati, “Ikuti na Nse citi milimo ya Taata Wangu, nkokuti muta Ndi syomi. Nkambo, milimo eyo Taata njaka Ndi pa kucita, ilungulula Obo Mbwe bede.”

¹³⁶ Nguni? Kufumbwa muntu wakatumwa aa Leza, Leza ula lungulula ku milimo eyo Nja kamusalila kucita. Ikuti na talu citi, Lugwalo talu ciiminini, lusiya lulikke.

¹³⁷ Akwalo mu Cizuminano Cakale, bakali jisi nzila ya kuziba naa cakali ca bwini na pe. Ba kabatola kunselelo, simaloto, na—na sikusinsima, na kufumbwa mbwa kabede, baka batola kunselelo kuli Urimu Tamumi. Oyo wakali Mumuni uugambyakwiinda.

¹³⁸ Leza lyoonse cigambyociinda, ubeleka mu cigambyociinda. Kufumbwa kuti kuli Leza okuya, kuli cigambyociindi, ikuti na ngu Jehova Leza.

¹³⁹ Elyo, cindi, takukwe makani obo ciloto mbo cilimvwisywa kabotu, ikuti na tii catondezya ali oyo Urimu Tamuumi, mpawo cakali lubide.

¹⁴⁰ Lino bupaizi bwakaindi bwa Aroni bwakamana awo, pele tu cijisi Urimu Tamumi. Eci nciyubunuzyo ca Jesu Kristo, cila Mu yubununa mu Ijwi eli. Elyo kufumbwa cintu ciimpene ku Ijwi eelyo tali Leza; ciimpene kuli Ndilyo. Pele Leza ulali kananina Mwini. Ula lizibya Mwini a Ijwi Lyakwe.

Awo mpe mpawo Jesu mpa kazundila Saatani. “Kuli lembedwe...”

¹⁴¹ Mpawo mpaawa kwakajoka Saatani, a kubabakula alubo. Wa kati, “Iyi, kuli lembedwe akwalo...” Pele ciindi eco, cindi na kasika, wa kauma ii—ii mavooti mapati. Eco ciindi akababamuna mababa aakwe. Wa kasotoka kuzwa awo, mpawo.

¹⁴² Wa kati, “Kuli lembedwe, ‘Muntu taka poneni ku cinkwa cilikke, pele ku Ijwi lyoonse lizwa ku mulomo wa Leza.’ Koya kusule Lyangu, Saatani!” Mwabona?

¹⁴³ Amubone eco cakacitika. Leza lyoonse walizibya Mwini kwiinda ku Ijwi Lyakwe lyaka syomezegwa. Lino ikuti balo ba Farisi niba kalanga kusule, Musa wakati, “I Mwami Leza wanu uyo busya Musinsimi uuli mbuli ndime.” Eco cakali mu Lugwalo.

¹⁴⁴ Pele ta cigambyi Jesu wakalumba Taata, kati, “Nda Ku lumba, Taata, Wa kasisa Eci kuzwa ku meso aa basongo a basimaanu, ka Ci yubununa ku bavwanda abo bayo iya.”

¹⁴⁵ Cindi Na kati kuli Petro aa buzuba obo, cindi niba kaseluka. Cindi Na kati, “Ino bantu baamba kuti Ndi meni nde Mwana wa muntu?”

¹⁴⁶ “Umwı wabo wakati Nduwe ‘Eliasi,’ alimwi umwi wakati Nduwe ‘Musa,’ abumwi bumbi.”

Wa kati, “Pele oyo tauli mubuzyo. Nda kubuzyo.”

Kati, “Nduwe Kristo, Mwana wa Leza muumi.”

¹⁴⁷ Wa kati, “Ulacoolwe yebo Simooni, mwana wa Jonasi, muntu uulya maila taku yubunwida ceeci. Toka ciiya mu seminari, taakwe muntu waka ciyiisa kuli nduwe, pele calo nciyubunuzyo.” Oh, ma! “Atala aa mwaala oyu Njo yaka Mbungano Yangu, nkabela milyango ya gehena taikonzyi Kwi izunda,” ciyubunuzyo, na cizibyo ca Jesu Kristo.

Wa kati, “Ikuti na Nse citi milimo ya Taata Wangu, muta Ndi syomi.”

¹⁴⁸ Lino atu zumanane kweenda. Tula Mu jana...Lino atu unke ku cipati ca 17. Tula Mu jana omu mu cipati 17, oko Nkwa kalibonya kuli Abrahamu kumane kusimpikizya ceeci, kutondezya eco Nca kali kuyo cita.

¹⁴⁹ Elyo lino, amuyeeeye, Muuya ula boola aa...Elyo Muuya uli mu Mbungano, Mbungano iini, Mbungano ya kasimpe, Mbungano ya Leza, bantu ba Leza; Muuya oyo uli muli mbabo, uli aali, Muuya nguwenya uli aali Kristo, a cisymezyo, “I milimo eyo Nje cita muyo icita anywebo.”

¹⁵⁰ Amuyeeeye, ciindi cimwi mu kubambulwa, kakutanaba buyo ncico, baka bikka kasila ku busyu Bwakwe boonse, a ku Mu uma aa mutwe, kubelesya tete, kati, “Lino ikuti na Uli Mwana wa Leza, ci... Uli—Uli musinsimi, bala ndaambila. Kosinsima,

omusinsimi!” Ba kainzya kasamu, “Ko twaambila oyo Wa kuuma.” Mwabona dyabulosi oyo? Mwabona?

¹⁵¹ Wa kati, “Ndi mvwisya kuti Nduwe sikucita maleele mupati. Sandula mabwe aya abe cinkwa. Andi Ku bone kucicita. Ndiyo—Ndiyo—Ndiyo Ku syoma ikuti na Uyo cicita mbuli boobo, sandula mabwe aya abe cinkwa. Ndiyo syoma. Ndiyo cicita.”

¹⁵² Ii mwaalumi waka ndaambila kutali ciindi cilamfu caina, kati, “Ikuti na wakonzya kuleta muntu omwe oyo wakaponesegwa, antomwe abulembo bwa dokotela!”

¹⁵³ Nda kati, “Oh, luse, muntu, umuna. Nkaambo kabubotu!” Nda kati, “Ndiyo leta madokotela ku myaanda.”

Wa kati, “Ndi jisi madollar ali cuulu alindila nduwe, ikuti na wa cita.”

¹⁵⁴ Elyo Nda kaleta madokotela, a twaambo. Wa kati, “Ee, mali ali mu . . .”

¹⁵⁵ Nda kati, “Ndi yanda mali ayo aa mulumbo wa missionari.” Elyo wa kati . . . “Tuma muntuumwi usyoma Makanimabotu, masi ambi.”

¹⁵⁶ Wa kati, “Ee, andi bweze musimbi muniini, alimwi mebo a bakwesu bangu kabaimikile koonse, elyo tuyo mutenda janza lyakwe, elyo mpawo uka muponye mpoonya awa kumbele lyesu, nkabela tuyo kusyoma.”

¹⁵⁷ Nda kati, “Yebo uyanda kuponesegwa kwa kuyeeaya.” Eco cililuleme ncobeni. Ii muntu wakanjidwe loko a dyabolosi!

¹⁵⁸ I umwi nguonya wakati, “Ikuti na Uli Mwana wa Leza, ikuti na Nduwe, seluka kuzwa ku ciengano.” Oh, cindi ndilyonya Bbaibbele lyakati Wa ka kelede kulengelela aa ciengano!

¹⁵⁹ Kayafasi wakati, “Wa kafutula bamwi; Mwini Ta konzyi kufutula.” Mukutaziba kuti, pele kulumbaizya kupati kwakasola kupegwa kuli Nguwe. Ikuti Na kali futula Mwini, Na taka konzya kufutula bamwi. Wa kacita kulipa Mwini.

¹⁶⁰ Masimpe, Wa kalimuzi oyo waka Mu uma, pele Ta sangabalisyi dyabulosi. Leza tali sikusangabalisy. Ta sangabalisyi dyabolosi pe. Milimo yakwe ilatumwa kuli baabo basyoma, kutali ku kusangabalisigwa.

¹⁶¹ Amubone, Wa kalibonya kuli nguwe okuno cindi na kali myaka ili makumi ali fuka afuka yakukomena, alimwi Wa kalibonya kuli nguwe mu zina lya Leza Singuzuzyoonse. I zina omuya, mu Cihebrayo, ngu *El Shaddai*.

¹⁶² Lino, Leza ujisi mazina ali ciloba abupanduluzi bunji bwa lununuko. Tu lizi obo. Elyo to konzyi kwaandaanya kuzwa kuli Kristo. Tamu konzyi kwandaanya. Kristo waka kkwanya onse amwi ayo mazina, ajisi bupanduluzi bubji bwa lununuko. Mula syoma obo? [Mbunga yaamba, “Ameni.”—Mul.] Walo, sena mula syoma kuti Ngu Jehova Jire, “cituuzyo cibambidwe

ica Mwami"? ["Ameni."] Mpawo ino kujatikizya *Jehova-Rafa*, "Mwami ula ponya malwazi anu oonse"? ["Ameni."] Elyo ikuti na eelyo tii lya kabikkilwa Kristo, nkokuti Ta kali Jehova-Jire. Aboobo to konzyi kulyandaanya, cintu coonse cili zambaidwe, elyo nceeco we. Ta konzyi kuba Jehova Rafa kakutakwe kuba Jehova-Jire, alimwi Ta konzyi kuba Jehova-Jire kakutakwe kuba Jehova-Rafa. "Wa kayaswa nkambo ka nsotoko zyesu, ku mibunda Yakwe twa kaponesegwa." Takukwe kukazyanya kujatikizya Ceeco.

¹⁶³ Lino tu jana kuti awa, Wa libonya mu zina lya *El Shaddai*, "i Singuzuzyonse." I...Ncobeni, bbala, bbala lya Cihebrayo *Shad*, s-h-a-d, bamwi balyaamba kuti "shade." *Shad* lyaamba "inkolo," mbuli inkolo ya mwanakazi. Elyo Wa kalibonya kuli nguwe mu zina lya *El Shaddai*, uuli mu bunji, *wankolo*. "Ndime Leza Wankolo. Abrahamu, myaka ili makumi ali fuka afuka yakukomena, kweenda kumbele Lyangu! Ko londoka, Kozumanana kusyome Ijwi Lyangu! Amuzumanane buyo kusyoma! Nda kasyomezya, aa myaka ili makumi ali ciloba ayosanwe; nceeci we, yakali—yakali myaka ili makumi obilo ayone lino kuzwa Ne kamubambilila cisyomezyo." Elyo ino i—ino nkuumbulizigwa kweelede kuti kwakali ku mudaala, myaka ili makumi ali fuka afuka yakukomena. Elyo nguzu zyakwe zyoonse zyamana, elyo mpaawa Leza wakaima kumbele lyakwe, kati, "Ndime *El Shaddai*. Ndime Leza Wankolo." Ameni. "Nyonka nguzu zyako kuzwa kuli Ndime. Ndili nguzu zyako."

¹⁶⁴ Mboli, mboli Cizuminano Cipy a Cakale, Leza Wankolo. "Ndime Leza Wankolo, konyonka nguzu zyako kuzwa kuli Ndime."

¹⁶⁵ Mboli muvwanda muniini cindi nacisidwe, kayoowa; kaciswa, kakompeme, uyaama ku inkolo ya banyina akunyonka nnguzua kujoka kuzwa uli banyina. Mu majwi amwi, "Abrahamu, toli cintu pele muvwanda kuli Ndime." Myaka ili makumi ali fuka afuka yakukomena, tii cakali ciindi, buumi bwakwe.

¹⁶⁶ Amuyeeye buyo, Jesu waka bambulwa, mboli jilo. Myaka ili cuulu comwe aa nyika—aa nyika, mbuzuba bomwe buyo kuli Leza. Mwabona, mboli kuti Wa kabambulwa jilo.

¹⁶⁷ Elyo amubone, "Ndime *El Shaddai*. Uli muvwanda, muniini uukompeme. Pele kuyaama ku camba Cangu, cisyomezyo Cangu, a kunyonka kuzwa ku nguzu Zyangu. Ndime cilenga oyo wakalengeleyza majulu a nyika, kabikka nyenyeezi okuya kulaale. Sa kuli cintu cili coonse cipati maningi kuli Leza? Ndime *El Shaddai*, alimwi uli mwana Wangu. Nokubakuti uli kompeme, elyo Ndi kulekela kuba boobo kubona buyo eco ncoya kucita kujatikizya ncico. Ndiyo bamba mukozyanyo wa bantu kuzwida awo, oyo muntu uyo syoma Ijwi Lyangu. Ndiyo ima munsi lya Ndilyo. Takukwe makani eco mbo citola, kulamfu buti,

Njo cicita. Ndiyo ima munsi lya Ndlyo. El Shaddai! Konyonka nguzu zyako kuzwa kuli Ndime.”

Oh, yebo wati, “Ikuti na Nda konzya kusyoma . . .”

¹⁶⁸ Walo ucili El Shaddai. Walo ucili Leza Wankolo, Cizuminano Cakale a Cipyaa. Konyokaa buyo nguzu zyako kuzwa kuli Ndilyo, oh, zintuzyonse nzo bulide. I muvwanda, ta konzyi kuligwasyi, weelede kukwela nguzu zyakwe kuzwa kuli banyina; eyo nje nzila ilikke njia konzya kujana nguzu zyakwe. Eyo nje nzila buyo musyomi njia konzya kujana nguzu zyakwe, nku zinyoka kuzwa ku Ijwi lya Leza. Ezyo ni nguzu zyakwe, zisyomezyo zya Leza kuli nguwe. Koima munsi aku Ci syoma!

¹⁶⁹ Elyo kutali buyo kuti muvwanda muniini awa waka tondezegwa cindi nacisidwe, ula yoowa, banyina inga bamupa inkolo yabo—yabo, nkabela ula talika kunyonka nguzu; ula kkutila kuciindi nanyonka.

¹⁷⁰ Eyo nje nzila a mwana wini wa Leza. Takukwe makani eco sikudonaika ncaamba, kufumbwa nca syoma. Ikuti na wa Ci syoma ncobeni, Jesu takonzyi kubeja. Uli kkutilide kuti Ca yubununwa kuli nduwe. Uli jisi cisyomezyo, alimwi taakwe cintu ciyo cilesya. “Aa mwaala oyu Njo yaka Mbungano Yangu,” mwabona, Ijwi lya Bwini, lya kumuuya lwa kayubununwa.

¹⁷¹ Kuciindi nelindila, kopumuna mu lusyomo lwako, bweza cisyomezyo ca Leza. “Nda Ku syoma, Mwami. Wa kasyomezya kundipa lubbizyo lwa Muuya. Ndi yaamina muli Wako . . . mu lusyomo. Lusyomo lwangu olo Ndwe jisi muli Nduwe, Ndila nyonka kuzwa ku kasensa kangu, ku kasensa kangu, kuzwa—kuzwa . . . ku nseba yangu, kuzwa ku kasensa Kako, Ijwi.

¹⁷² “I muntu taka poneni ku cinkwa cilikke, pele kuzwa ku camba ca Leza uyo nyonka nguzu zyakwe.” Ijwi lyoonse eelyo lizwa ku mulomo wa Leza, uyo tambula nguzu zyakwe mbuli Mbo lizwa ku i—i mulomo wa Leza, i Ijwi.

¹⁷³ Mboli Abrahamu, Abrahamu wakali kupumuna. Lino wa kapona a Sarah kuzwida eelyo naka ii—ii musimbi muniini. Wa kali mucizi wakwe kucibeeda, elyo wakali kupona anguwe elyo wakali mukwete. Elyo, wa, waa kajisi . . . Waa kali musundi. Ta kajisi bana. Elyo ngooyu mbwabede lino, uli kale . . . ikuti na uli makumi ali fuka— . . . makumi ali fuka afuka. Ula myaka ili makumi ali lusele afuka, makumi ali lusele afuka yakukomena. “Pele, Abrahamu, kapumuna mu lusyomo lwa Ijwi Lyangu. Njo kusyomezya, kuti Ndiya kucicita. Ndime El Shaddai. Ndime Leza wa Wankolo ku bana Bangu abo basyoma.” Ikuti na toyandi kunyonsya, ee, mpawo utaambi limbi kujatikizya ncico, nywebo mwabona. Pele ikuti na uli mwana, ula nyonka, kopumuna, cisyomezyo coonse!

¹⁷⁴ Amubone, lusyomo lwini lukkala aa bbwe jumu lya cisyomezyo ca Ijwi lya Leza. Tali zembaani. I lusyomo lwini ni nkasi.

¹⁷⁵ Mbuli mu nyenyeesi ya kunyiika, nyenyeesi ya kunyiika ni mbaakani ya silutwe wa maato onse, kkampasi i mutondekela buyo ku nyenyeesi yaku nyiika. Elyo Leza, Ijwi, ni nyenyeesi ya Munakristo oonse iya kunyiika, ikuti na wa sweeka, alimwi Muuya Uusalala ngo uku tondekela kuli Ndilyo. Tai katondeki cintu cimbi. Tukamu toonse twa zilengwa, azimwi zimbi, alimwi—alimwi Bunakristo bwa kasanganisigwa muli nzizyo, kufumbwa mbo cinga caba; cili mbuli inyika, kiizembaana, ila cinca nyenyeesi ezyo, pele tai konzyi kucinca nyenyeesi ya kunyiika. Taakwe cintu cikonzya kucinca Ijwi lya Leza. Jatilila kuli Ndilyo, kokkala a Ndilyo!

¹⁷⁶ Lino, lusyomo lwini talu zembaani ku tunsiyansiya a njiisyozakapangwa aabantu, a kutasyoma. Ula kkala ncobeni a Ijwi, lusyomo lwini mu Ijwi.

¹⁷⁷ Elyo mpaali mpo konzya kubikka lusyomo lwako aa cintu cili coonse cimbi cita Ijwi? Ikuti na Leza lyaka caamba, kojatilila munwe wako kuli Ndilyo, Obo mbwini. Talu zembaani pe. Lu lanyonka kuzwa ku Bbuku lya Leza lyankolo, i Bbaibbele, bube Bwakwe—Bwakwe, eco Nca kasyomezya. Eco Nca kasyomezya, eelyo ndi Ijwi Lyakwe. I Ijwi lila lizyala Lini. We elede kuba myeeyo kautana kuba Ijwi, mpawo Ijwi; mpawo Ijwi lya tondezegwa, alimwi nkooko nkому jana nguzu zyanu—zyanu buya. Kusyoma! Kusyoma! Nkambo Cilenga . . . Kusyoma, mbuli Mbwa kabede, Cilenga oyo wakapanga inyika.

¹⁷⁸ I Cizuminano Cipyia cakati, kaindi awa, “Mbuli Musa mbwa kasumpula nzoka mu nkanda, mbubonya Mwana wa muntu mbwaelede kusumpulwa.” Bukanze mbubonya. Cakali cinzi? Ba kali kuzumbauzya Leza, a malwazi a mapenzi zyakatalika. Elyo wa kasumpula nzoka. Ku nzi? Ku kuponesegwa kwabo aku kujatilwa kwabo. Obo mbo cakabede. Elyo mukuba wiiminina lubeta lwa Buleza; nkabela Jesu wakali nzoka aka betekwa, mubwini, bwaambe bwa mukuba.

¹⁷⁹ Lino, Na kamana kusimpikizya cipangano, na cipangano caka yubululwa kuli nguwe, cipa lusyomo ku bana beni ba Leza. I Ijwi lipa lusyomo, Umwi Wankolo. Lu—lu cita cintucimwi kuli mbabo cindi i—i Ijwi, na cindi cipangano ca yubululwa, cipa lusyomo ku bana beni ba Leza.

¹⁸⁰ Lino tu lizi, tula mvwisya kuti, muli ceeći, Wa kali kutegwa Elohimu. I bbala alyalo, mu busanduluzi awa, lyaamba “Elohimu.” Muli lingule buyo, kuba masimpe. Elohimu! Elyo Elohimu ngu “Umwi ujisilidi Zyoonse.” Ngu El Shaddai, Elohimu, Leza Wankolo, Umwi Uljisilidi Zyoonse. Ta yandikani cintu cizwa kuli umwi. Walo ulili jisilizi zyoonse.

¹⁸¹ Amubone, nciconya cila lungulula awa, Ndali kubona ceeći masikati aya kuciindi Ne kali kubala, muli Jobu, Jobu. Walo wiitwa kuti “Elohimu.” Elyo Jobu waka sabula, ka fubaazigwa; nzila, ino ncifwanikiso sunu. Pele Jobu wakali kuyaamina mu

cisyomezyo ca Elohimu, “Nekubakuti tuuka twa lukanda twa nyonyoona mibili oyu, nekubaboobo mu mibili wangu Njo bona Leza, oyo Ngweyo bona lwangu.” Kuyaamina muli Elohimu, takukwe makani eco ciboola.

¹⁸² Mukaintu wakwe wakasika, kati, “Yebo uboneka kusampuka, Jobu.” Elyo mpaawo kwa kaboola basikuumbulizya koonse kuli nguwe, “Oh, yebo wabona eco cakacitika kuli nduwe, mulombe mudaala? Nda kamwaambila kuti wakali lubide, ciindi coonse. Mwabona eco cakacitika na?” Ii bantu banji bayanda kuweelela aa bantu mbuli booboo.

¹⁸³ Jobu wakali muntu mubotu maningi wa buzuba bwakwe. I muntu mubotu maningi Leza ngwa kajisi aa nyika wakali Jobu. Wa kaambilisa Saatani, “Taakwe muntu uli mbuli nguwe.” Ameni. “Sena wa muziba?”

¹⁸⁴ Saatani wakati, “Iiyi, zintuzyonse zilaboola mubuteteete kuli nguwe. Komwaya olo lubaya a kundi lekela ku mujata. Njo mubamba kusinganya Nduwe kumeso Aako.” Wa kacita zintuzyonse nzyakali kukonzya, pele ta kakonzya.

Jobu wakayaama mu cisyomezyo eco.

¹⁸⁵ I balombwana baka boola munsi, a kwaamba, “Lino, lino uli kuli koonse oko Leza nkwaliki kwaambaula? Uh-huh, langa cintu, ula—ula Mu syoma kuba obu, langa—langa eco cicitika lino.”

¹⁸⁶ Pele wa kacili kuyaama muli El Shaddai, takukwe makani na zyuute zyakwe zyakali ku kudonkoka nkabela buumi bwakwe bwakali mbuli kuti bwakamana. Wa kali kkede aa cilwi catwe, kakumba zyuute zyakwe.

Mukaintu wakwe wakati, “Yebo . . . Nkaambonzi to singanyi Leza a kufwa?”

Kati, “Yebo waambaula mbuli mwanakazi mufubafuba.” Oh, ma!

¹⁸⁷ “I Mwami wakapa, nkabela Mwami wakanyanza, lilelekwe Zina lya Mwami. Ndila syoma muli Elohimu. Nekubakuti Wa nyonyoona mibili oyu, tuuka twa lukanda twa kaulya, nekubaboobo mu mibili wangu Njo bona Leza, oyo Ngweyo bona lwangu; meso angu ayo mubona alimwi kutali umbi.” Wa kayutuka, muli Matayo 27, cindi basalali niba kabuka, kazwa a kunjila, pele kapati . . . kanjila mu munzi. Cikozyanyo nciconya ca sunu, nekuba kulindila, kusyoma mu cisyomezyo.

¹⁸⁸ Amubone Na kamana kulibonya mu Zina eeli, Zina lya Leza Singuzuzyonse.

¹⁸⁹ Lino, ombungano, lino inga twa jana njiisyo niini awa, inga yaba inyonganya aniini kuli ndinywe. Ikuti na toisyomi, eco cili kuli nduwe. Tuli waano buyo, Ndila kanana buyo eco Nce yeeya. Uli jisi nguzu zya kuyeeya eco nco yanda kuyeeya.

¹⁹⁰ Pele, amubone, pele zintu ezi zyoonse zyakali “zikozyanyo, zimvule, a mikozanyo,” mbuli Bbaibbele mbo lyakaamba kuti zyakali obo. Zyoonse zili boobo. Elyo oyu ngu, Leza ubeleka aa Abrahamu mu lweendo, mbuli buyo Mbwayo beleka a Lunyungu lwabwami ilwa Abrahamu mu lweendo. Amubone, Ula beleka aba Juda nzila njionya. Ca katalikila omuya coonse, mu cisomezyo eco ca cipangano; masi oonse, bantu boonse.

¹⁹¹ Amubone kumane kulibonya mu Zina eeli lya Leza Singuzuyonse. Elyo caka yubununwa kuli nguwe kuti Wa kali Umwi Ulijisilidi Zyoonse. Ta kajisi basikugwasya; Ta kali kuyandikana nobaba bamwi, balembi bali boonse. Wa kali alikke, Leza. Wa kali Leza, alikke. Elyo Wa kalibonya kuli Abrahamu mu Zina eli, elyo kuciindi Na kalibonya kuli nguwe mu Zina eli, elyo Abrahamu wakaziba kuti Wa Kalini, Wa kacinca zina lya Abrahamu. Lino wa boola ku buzule bwa kusyoma lino. Mwabona awo Mbungano mpo yaboola? Nda syoma inga mwabala aakati ka mizila. Kaboola ku busena oko Nkwa yubununwa kuli nguwe kuti Wa Kalini, elyo mpawo Wa kacinca zina lya Abrahamu kutegwa cisomezyo ka zulizigwa.

Lino yebo wati, “Takukwe cintu mu zina.”

¹⁹² Mpawo nkaambonzi Nca kacinca zina lya Abrahamu kuzwa kuli Abram kuba Abrahamu? Nkaambonzi Nca kacinca zina lya Jakobo kuzwa kuli *Jakobo*, “mumpelenge,” kuba *Israyeli*, “sibwami a Leza”? Nkaambonzi Nca kacinca zina lya Saulo ku kuba Paulo? Masimpe, zina lyakwe, ncobeni, ncobeni lyaamba cintucimwi. Lulacita ncobeni. Ikuti na toulkidwe kabotu, Leza uyo licinca, ikuti na Wa kwiiita. Iiyi, munene.

¹⁹³ Amubone, Wa kacinca zina lyakwe awa lino, kuzwa kuli Abram ku kuba *Abrahamu*, eelyo lyaamba kuti, “taata wa masi,” kayungizya h-a-m, Abrahamu. Aboobo Wa kacita ceeci kutegwa cisomezyo cimanimide kacikonza kuzulizigwa. Elyo mwana lino, oyo waka syomezegwa kwa ciindi cilamfu, wakali kukonza kubonwa, na, bumbi, ku yubununwa, cindi Na kacinca zina lyakwe elyo nakamana kuziba kuti Wa Kalini. Kwayanda wakali obo, kwayanda wakayeeya kuti kwakali nkamu ya mbabo; pele wa kaziba kuti Wa kali Elohimu, Leza alikke. Pele, cindi na kacita ceeco, mpawo Wa kacinca zina lyakwe. Wa kati, “Lino, Abrahamu, tocino iitwi kuti Abram, pele *Abrahamu*, nkambo, ‘taata wa masi,’ Nda kubamba.” Abrahamu, lino, uli mu ciimo lino. Uli mu ciimo kuzwe ciyubunuzyo cakuziba kuti Wa Kalini. Lino uli mu ciimo ca kubona mwana kuyubununwa.

¹⁹⁴ I Mwana uli libambilide kuboola, ku yubununwa. Oh, bana ba Abrahamu!

¹⁹⁵ Amubone, Wa kacinca zina lya mutumwa Wakwe, nkoonya ku ciindi camamanino. Buyo ku, wakali makumi ali fuka afuka, walo mwaka omwe wakasyeede, elyo Wa kacinca zina lyakwe kuzwa kuli Abram kuya kuli Abrahamu. Kucinca zina lyakwe,

kayungizya h-a-m, elyo lyaamba “taata.” Wa keelede kuba taata, taata wa cisyomezyo; taata, cisyomezyo.

¹⁹⁶ Oh, ikuti na ujisi kutweluka kwa kumuuya, swiilila! Kumane kuba ciyubunuzyo ca Zina Lyakwe, kuti Wa Kalini, Wa kacinka zina lyakwe. Lino kumane kuba ciyubunuzyo, lino Wa kalyata aa nyika, “takukwe nkamu ya Baleza; kuli Omwe,” lino nciindi ca ciyubunuzyo nkambo Mwana oyo waka syomezegwa ku yubununwa ku Lunyungu lwabwami ilwa Abrahamu, wa cisyomezyo.

¹⁹⁷ Amulange, Wa kacisandula kuzwa kuli Wesley, Baptisti, Presbyteria, Pentekoste. Ta ndizi na kwaamba ceeci na pe. Ta eelede ku cisyoma. Pele Nda syoma mula ndijatila, nkambo Nse yandi ku munyonganya.

¹⁹⁸ Pele, amulange, takunabede mutumwa ku mambungano aa—aa Leza, kwiinda moonse mu makani aakale oonse aa ciindi, ayo wakasola kuba a musololi, kuzwa kuciindi ca lubambululo, mbuli musololi ngo tujisi sunu, Billy Graham, nconzyo, nkaambo wa kaunka ku inyika yoonse. Mwabona? Elyo, amubone, taakwe notwa kajisi muntu, sikubambilula uli oonse... Twa bweza Sankey, Moody, Finney, Calvin, Knox, kufumbwa mbwanga waba, Wesley, Luther, takukwe umwi uujisi zina limana h-a-m, kale. I mutumwa alikke ngo twa kasola kuba awo mu makkalo aa mbungano, wa zina limana a h-a-m; G-r-a-h-a-m, Graham.

¹⁹⁹ Elyo Graham ntubala tuli cisambomwe, alimwi cisambomwe mweelwe wa muntu, buzuba bwa muntu; muntu wakalengwa, mu—mu Matalikilo 1:26, aa buzuba bwacisambomwe. Pele ciloba mweelwe wa Leza; buzuba bwaciloba, Leza waka lyookezya. Kutali cisambomwe, kutondezya oyo wa G-r-a-h-a-m uyooba ku mbungano iili mu inyika; pele, A-b-r-a-h-a-m, Abraham ntubala tuli ciloba.

²⁰⁰ Kwaamba, “Takukwe nco caamba mu myeelwe.” Mpawo tozyi zyameelwe ya Bbaibbele lyako. Wabona? Uli masimpe ku Tali mvwisya eno. Ncobeni.

²⁰¹ Leza “ulalondolwa” muli *zyatatte*, a “kukombwa” mu *ziloba*, a “kusunkwa” muli ili *makumi one*, a “majubbili” mu *makumi osanwe*, oh, kufumbwa nco yanda kucita. Yoonse mathimatiki, Bbaibbele lilabeleka mu mathamatikisi.

²⁰² Amubone, wacisambomwe mutumwa weelede kutumwa ku inyika. Elyo, amubone, caciloba mweelwe wa Leza.

²⁰³ Elyo amubone ku ciindi eci ca kubonekela lino, na kuyubunuka kwa Mwana. Cindi i... Uyo yubununwa, Mwana. Ba kaziba kale Zina Lyakwe, kuziba kuti Wa Kalini. Ngu El Shaddai, Singuzuzyonse, Elohimu. Pele lino twa selemukila ku ciindi ca Mwana waka syomezegwa kuti ali yubunune Mwini. I Mwana, Izaka Mwini oyo waka syomezegwa, uli libambilide kuboola aa cilao.

²⁰⁴ Elyo Ta kakonzya kucicita kusikila Wa katuma a kucinca zina lyakwe kuzwa kuli Abramu ku kuba Abrahamu, nkaambo, “ii taata wa masi, mbwa kabede.” Amubone, -ham, h-a-m, “taata, taata wa masi.”

²⁰⁵ Amulange obo mboceelela kuli Malaki 4, “Kuboozezya Lusyomo, kujokela ku matata,” Lunyungu lwa Abrahamu luyo boozegwa ku musyobo wa Lusyomo olo taata Abrahamu ndwa kajisi, Lunyungu lwakwe lwabwami. Malaki 4 weeledе kuzulizigwa, ngwa boozezya Lusyomo olo lwakaliko kaindi okuya ku matalikilo ciindi cimwi, ku Ci boozezya ku Lunyungu lwabwami ilwa Abrahamu. Calo ncisyomezyo. Calo ncisyomezyo ncobeni. I Lunyungu lwa Bwami lweelede kuyubununwa, alimwi ku...ku Lunyungu lwa Bwami, luli Ndunyungu lwa Bwami, lwa Kristo. Kristo Ndunyungu lwa Bwami. Elyo Lunyungu Muuya Uusalala uli mu myoyo ya bantu abo basyoma muli Leza, abo bajisi Ijwi Lyakwe, alimwi Leza kabeleka kwinda muli mbabo, kabamba Mulumbe nguonya. “Ii kaindi kaniini elyo inyika tiika Ndi boni limbi, nekubaboobo moyo Ndi bona; Njo oba andinywe, nomuba muli ndinywe. Alimwi milimo Nje cita, moyo icita anywebo.” Mwabona, kwi iyubununa ku mazuba aakumamanino awa, nzila mbo yeelede kuboola.

²⁰⁶ Lino, amulangilile cipati 18 lino. Mpoonya biyo kumane kucincwa kwa zina, Leza walibonya, kuli yubununa Mwini mu mubili wabantu. Kwamana kuzibwa kwa Zina, kuti Nguni Walo, Leza ulalibonya mu mubili wabantu. Abrahamu, buzuba bumwi bupya, mvwiki buyo zisyoonto na myeezi kakutanaba kuumpwa kwa Sodoma a Izaka kusika aa cilao. Elyo, amubone, Abrahamu uli kkede kunsi lya mubanga wakwe.

²⁰⁷ Elyo Lota uli kumusanza mu Sodoma, alimwi bali mukubotelwa misaalo ya nyika. Nekubaboobo, walo Mweembeli Lota, antela waka mubambilide mbunga mbotu kunseleno okuya. Kufumbwa nca kacita, Bbaibbele lya kati, “I bubi a zibi zya i—zya ciindi zyapenzya buntu bwakwe bululeme.” Aboobo kweelede kuti wakali jisi mbuli bunji bwaba Lota basyaasunu, pele wa kalizi kuti takali kukonzya kwaamba cintu kujatikizya ncico. Aboobo mpawo amubone, ngooyo mbwakabede.

²⁰⁸ Pele Abrahamu, Na kamana kuyubununwa kuli nguwe, lino, Elohimu wakali Oyo wakali kwaambaula kuli nguwe. Lino uli kkede kunsi lya mubanga, elyo mpaawa kwaboola bantu botatwe, kabeenda mbuli bantunsi. Amulangilile nguzu zya ciyubunuzyo, zya Oyo Leza mbwakabede, mbo zyakacita ali Abrahamu, eco neo zyakacita kuli nguwe. Zina lyakwe nilya kacincwa kuzwa kuli Abram kuya kuli Abraham, wa kabona Muntu otatwe kaboola, elyo wa kaita botatwe, Omwe, “Mwami wangu.” Botatwe babo, mukuba Bomwe. Kutali booboo a mweelwe wa cisambomwe, Lota; wa kabona bobilo kababoola, elyo wa kati, “bami bangu.” Cilengaano ca Abrahamu a ciyubunuzyo caka mutondezya kuti Wa

kali Elohimu Ulijisilidi Zyoonse. Lunyungu Lwakwe lweelede kutambula cintu nciconya.

²⁰⁹ Amubone nzila Mbwa kalyubununa Mwini, nzila Mbwa kalizibya Mwini, naa wa kali luleme na pe. Amubone, ku kusyoma kwini, eco citondezyo Nca kacita. Ncinzi Nca kacitika, ku mubamba kuziba kuti oyo wakali Elohimu?

²¹⁰ Lino, wa kati, “Mwami wangu.” Walo mupati M-w-a-m-i. Kufumbwa sicikolo mupati, uli cizi; kufumbwa sicikolo mupati ulizi kuti Elohimu, Umwi Ulijisilidi Zyoonse, Elohimu.

Ii muntu waka ndaambila, ciindi cimwi, “To syomi kuti wakali Leza?”

²¹¹ Nda kati, “Nda cita ncobeni. Abrahamu wakati Wa kali Leza. Wa kaambaula kuli Nguwe; wa keelede kuziba.” Inzya.

²¹² “Oh,” wa kati, “yebo waamba kuti Leza kaimvvi alya kalya nyama eyo ya munamani oyo, a—a kunywa mukupa uuzwa ku ng’ombe, a kulya cinkwa camapopwe, kufumbwa mbo yanda ku ciita okuya?”

²¹³ Nda kati, “Wa kacicita. Baa, tomuzyi buyo Leza wesu.” Ee, ma, Wa kali kukonzya buyo...Baa, Wa katambikizya buyo ku...

²¹⁴ Tu pangidwe kuzwa ku tuntu tuli kkumi acisambomwe; petroliamu, mumuni wa kkozimiki, a potashi, a kkaushiamu, a tumwi tumbi, tuntu tuli kkumi acisambomwe buyo. Wa ka tujata buyo antoomwe, a ku pona muli ntuto, a kweenda kuselemuka mu nyika. Ndili kkomene kapati kuti Walo musyobo oyo wa Taata. Nekubakuti tuuka twa lukanda twa nyonyoona mibili oyu, nekubaboobo Uyo kwiita. Wa kasyomezya kuti Uyo cicita. Ngu Elohimu. Kakombola tumbi tukkwana mu maanza, a kuti, “Boolu okuno, Wuduwemu,” na kufumbwa mbwa kabede, Baangelo, “a kuseluka. Atu unke kumusanza kuyo langa Sodoma, kubona eco cicitika.”

²¹⁵ Elyo Abrahamu, kumane kuba ciyubunuzyo, wa kacibona alimwi wa kalizi kuti kwakali Leza omwe. Elyo wa kacibona, elyo wa kati, “Mwami wangu, boola ambali, kokkala acuuno, andi sanzya matende Aako.” Lino, ta kati, “mwami...” Elyo, amulangilile, lili mu i—lili mu kkapito letta okuya. Kufumbwa muntu uli cizi. Ndi jisi Emphatic Diaglott. Mwabona, ngo kkapito letta M-w-a-m-i, “Mwami,” Elohimu, Umwi Ulijisilidi Zyoonse. Kati, “Andi teke maanzi masyoonto a kusanzya matende Aako, a kupa Yebo munsumba wa cinkwa, mpawo inga Wa zumanana mu lweendo Lwako.”

²¹⁶ Kwaamba, Ndiya bumuka maningi okuno. Inga cabota ndabinda. Ndi—Ndi yanda kusika awa, alimwi Nse zyi cindi Neyo konzya. Amundi kkazikili buyo moyo aniini, sa mula cita? [Mbunga yaamba, “Ameni.”—Mul.]

²¹⁷ Amubone, Elohimu, Umwi Ulijisilidi Zyoonse, Leza. Elyo Wa kati... Amulangilile eco Nca kacita.

²¹⁸ Lino, bobilo Babo bakatalika, ba kazumanana kulanga kumusanza kutozya—kutozya ku Sodoma.

²¹⁹ Elyo Wa kati, “Yebo uyeeya kuti Njo bamba aya kuba maseseke kuli Abrahamu?” Ta citi cintu kusikila Wa ciyubununa ku basinsimi Bakwe. Mwabona, Ula babamba kuciziba. Elyo Wa kati, “Nse kobamba ceeci, mukubona kuti uli—uli lelekedwe kuli Leza alimwi uyo kona nyika, azimwi zimbi. Lunyungu lwakwe lu yooba, bumbi, kuyooba taata wa masi manji. Nse koasiswa kuli nguwe. Ndila muzibya.” Elyo aboobo Wa kati, katalika kuyubununa kuli nguwe.

²²⁰ Elyo Wa kati, “Abrahamu,” kutali Abramu. “Abrahamu, ulikuli mukaintu wako, S-a-r-a-h?” Mbobuti Mbwa kaziba ceeco? Ee, buzuba buyo kakutanaba eco, wa kali Abramu, buzuba na obilo kakutanaba eco. Elyo waa kali Sarai, elyo lino ngu Sarah. Elyo ngu Abrahamu. Kati, “Abrahamu, ulikuli mukaintu wako, Sarah?”

Abrahamu wakati, “Uli mu tente, kunze Lyako.”

²²¹ Wa kati, “Ndiyo muswaya kweendelana ku ciindi ca buumi. Elyo oyu mwana waka syomezegwa, uli afwaafwi kusika aa cilao lino. Uyo mutambula.”

²²² Elyo Sarah, kuli lwakwe, kabaanga wakaseka, kati, “Mebo mukuba mucembele, a kuba amusaalo a mwami wangu alubo, nkabela walo mudaala?” Cintucimwi mbuli ceeco, aboobo, nkaambo waa kali—waa kali makumi ali fuka, alimwi walo kali mwaanda. “Elyo aboobo lino Nda konzya kucita ceeco alubo?”

²²³ Elyo Angelo, mutumwa, Leza mu mubili wabantu, kati, “Nkaambonzi waa seka?”

²²⁴ Oko kwakali kusimpikizya. Nkaambonzi? Katondezya ciyubunuzyo kuti cakali luleme. Katondezya kuti eco nca ka Mwi itila kuti, Elohimu, cakali luleme. Nkaambo, Wa kali Ijwi. Ako kakali i... Muba Hebrayo, cipati 4, kampango ka 12, kati, “I Ijwi lya Leza lila bosya kwiinda cceba lya mabemba obilo, elyo lila tweluka miyeyeo a makanze aa moyo.” Elyo cindi Abrahamu naka bona ceeci, wa kali masimpe mpawo wa kali kukonzya ku Mwi ita kuti, “Elohimu.” Elohimu, Wa kali Ijwi, “Mbوبuca nguwenya, sunu, amuya myaaka.”

²²⁵ Amubone cindi Jesu, Lunyungu lwa bwami ilwa Abrahamu, kaluboola aa cilao, Wa kalyubununa Mwini ku lunyungu lwa kunyama ilwa Abrahamu, mu citondezyo nciconya. Elyo baka Mwi ita kuti, “Bezebule.” Wa kabofwaazya, basikutasyoma, kabofwaazya a kubacitya kusanka, a kubatuma ku gehena. Pele cakapa kukubona Kutamani ku basyomi, abo bakasalilidwe Buumi Butamani.

²²⁶ Amubone, Jesu wakasyomezya kuti i...mu mazuba aakumamanino, kakutanaba buyo kuboola kwa Mwana wa muntu, kuti Uyo boola kuli yubununa Mwini, cindi mazuba ayo Mwana wa muntu ano yubununwa, olu Lunyungu lwa bwami ilwa Abrahamu luyo bona citondezyo nciconya. Lino amubone, cindi Na kati, oyo—oyo Musalali Luka 17:28 a 30, “Elyo mbuli mbo kwakabede mu mazuba akwa Sodoma.” Lino, Jesu wakaamba eci. Nse jisi bwiinguzi kuli ncico. Walo...Ndi jisi mulimo waku caamba, kwaamba eco Nca kaamba. Pele, Jesu wakaamba ceeci, “Mbuli mbo kwakabede mu mazuba akwa Sodoma, aboobo mbo ciya kuba mu kuboola, ku kuboola kwa Mwana wa muntu,” lino amubone, “mu mazuba ayo Mwana wa muntu ano yubununwa, cindi Mwana wa muntu ano yubununwa ku Mbungano Yakwe.”

²²⁷ Mbuli kuli Abrahamu. Wa kali Leza, Wa kazumanana kuselemuka; kasimpikizya cipangano, kaziba kuti Wa Kalini, a zina lyakwe lya kacincwa. Amubone, lyakacinca kutandila buyo cindi Na kali kutanta cilundu, kalanga koonse ku Sodoma, Mwana waka syomezegwa katana buyo kuboola.

²²⁸ Jesu wakaamba cifwanikiso nciconya. Jesu wakali kubala Bbaibbele ndilyonya eelyo Nde bala ando mula bala. Ikuti na muyanda kuziba mbo cakabede, amujokele a kubona eco ncobakali kucita mu mazuba akwa Sodoma. Amubone, kutali kunji-loko mu mazuba akwa Nowa (Wa kaamba kulilemeka kwabo, obo mboba kali kulya, kunywa, kukwata, kupa mu lukwatano), pele mu Sodoma.

²²⁹ Lino taakwe “maanzi ambi,” Leza wakasyomezya eco kwiinda ku citondezyo ca fulicoongo. Wa ka tupa citondezyo. Ula pa zitondezyo lyoonse. I fulicoongo...Ula yeeya noziba zitondezyo Zyakwe. Lyoonse kusyomeka kuli ncico kwiinda mu myaka, kuta kakilwi kupa citondezyo eco ca fulicoongo. Ula pa lyoonse zitondezyo Zyakwe. Amubone.

²³⁰ Elyo mu citondezyo eco, Wa kasyomezya kuta nyonyoona inyika “takucikwe a maanzi,” pele Wa kaamba kuti iyo “pya.” Elyo amubone Jesu awa kaamba, “Mbuli mbo kwakabede mu mazuba akwa Sodoma,” inyika ya Bamasi yakali kuyo nyonyoonwa. Banasodoma!

²³¹ Lino amulange kulilemeka kwa masi. Amulange kulilemeka kwa mbungano, mbuli buyo Lota. Amulange eco cili ansi akati kabot: muntu, G-r-a-h-a-m, kabauma canguzu, balo basitunzenyu, ku mbungano yakunyama. Lino aa mbungano ya kumuuya...

²³² Kuli misela yotatwe lyoonse ya bantu. Abo, mbasyomi, batasyomi, a basikuli kozyanisya. Bali bajisi mu nkamu yoonse ya bantu. Ikuti na walimvwa kufundilila Nda cita ambebo, inga waziba kuti wali mpoonya awa sunumasiku. Aboobo mpawo,

aboobo, nywebo... a boonse botatwe. Amubone, nceeco we, lyoonse kuli misela yotatwe koonse.

²³³ Lino ikuti na muyo bona kuti ca keelede kuba cintu nciconya cindi Mwana wa muntu na keelede kuyubununwa ku Lunyungu lwa bwami ilwa Abrahamu, kwiinda muli Kristo (Kristo Nduunyungu lwa Bwami), cindi Na yubununwa mu mazuba aakumamanino. Lino, mibusena, inyika ilibambidwe mbubonya, nkaambo Mwana wakabuka Kujwe ulaba Kumbo. "Elyo bwakali buzuba busiyasiya," kapanga tubunga, tubungwe, "pele kuyooba Mumuni ku ciindi caku mangolezya," wakaamba musinsimi Jeremiya. Lino, alimwi mu mazuba cindi oyo Mwana, Ula zwa kunze lyu makumbi aa kabungwe, kuti aliyubunune Lwakwe, Wa kati inyika iyo kkala mbubonya mbuli mbo yakabede mu mazuba akwa Sodoma, a Mwana wa muntu uyo liyubununa Mwini alubo ku bantu Bakwe. Amulange nzila Mbwa ka ciyubununa ku lunyungu lwa Izaka; amulange nzila Mbwa yaku ciyubununa ku Lunyungu lwa bwami, Nabwiinga Wabwami, Namalelo. I Namalelo Ndunyungu lwabwami.

²³⁴ Mbuli Leza mbwa kaleta cisi kuzwa mu cisi, mu Egepita, Uli mukugwisya Mbungano kuzwa mu mbungano, na Nabwiinga kuzwa mu mbungano; Mbungano kuzwa mu mbungano. Elyo basyaalizi ba Lunyungu lwa mwanakazi, mbaabo bakasyaala, "kuli kulila a koomoka a kuluma kwa ntwino, nkaambo tiiba kajisi Mafuta mu malampi abo, Muuya Uusalala," lyoonse wakaiminina. Mbaabo we.

²³⁵ I busena bubambidwe kabetu. Elyo lino amulange atala lyu cilundi. Lino, Mbungano, Abrahamu; Lota; Banasodoma. I inyika; mbungano; Basale. I Mbungano, Nabwiinga, kuzwa mu mbungano. Tuli kkede mibusena buli kabetu. I inyika ili buyo mubweende buli kabetu kuli ncico.

²³⁶ Lupilingano! Zintuzyonse zili pilingene. Nkokuti, Njo mwaambila, zintuzyonse zyaka tintanisigwa. Ba . . .

²³⁷ Nda kaselemuka, kabona citondezyo cipati, kati, "Mapopwe akatintanisigwa." Baa, taali mabotu. Peepe. Eco ceelede ku kubamba batasyomi mukuba leza kusotauka. Cindi Leza nakati, "Imbuto zyoonse zizyale musyobo wazyo." Elyo inga watintanya mapopwe akwaabamba kuba mapopwe aboneka kabetu, pele to konzyi kusyanga ayo alubo; taajisi buumi muli ngawo.

²³⁸ Elyo nje nzila mbo twa kacita mbungano. Twa kaibamba kubota, a kwiicisakatizya kubelesya tusakatizyo lwa tubungwe, pele ta ijisi Buumi muli njiyo. Tai konzyi kuleta obo bumboni bwa Bbaibbele alubo. Mwabona? Konzyi kuleta bumboni bwa bubuke bwa Kristo. Alo makani aakaintanisigwa.

²³⁹ Bantu basama kabetu, baka bbadelwa kabetu loko, tubungwe tupati loko, bavubidwe loko, iba Bukkalo bwa Laodikeya, mbubonya. "Bavubi, taakwe nco babula; tabazi kuti uli sampaukide, mupenzi, moofu, a mucete, sicinswe,

elyo ta cizyi.” Ikuti na muntu wa kalizi kuti wakali cinswe, inga waambaula kuli nguwe. Pele cindi na cizyi, eco nciimo cisampaukide, cakuusisya nsoni. Uta basabauli bantu, pele kofwida luse. Ino kuti oyo wakali nduwe mu ciimo eco? Ino kuti Ijwi nilya taka yubununwa kuli nduwe, ino inga nokacita nzi? Ncinzi cimbi cikonzya kuba amakan, ikuti na mes ako akali ofweede kapati cakuti toka konzya ku Li bona? Oko nkukubona kubyabi.

²⁴⁰ Elyo mbubonya buyo, mibusena. To konzyi kubikka munwe ali ncico; nceeco cilikkede, eco buyo Nca kaamba kuti ciyo citika. “Ezi zitondezyo ziyooba mu mazuba aakumamanino.” Mwabona awo mpo bakkede, mbubonya buyo.

²⁴¹ Lino amulangilile, kutintanya. Nywebo mulizi, ikuti na kufumbwa cintu Nce... Ko bweza, mbuli ku bweza ii—ii—ii—ii kadonki, aku katintanya ku mbizi, mpwizi, mubwini, nkabela ncinzi nco jana? Ujana kambongolo. Pele aka kambongolo taka konzyi kuli zyalulula. Mwabona? Leza wakati, “Imbuto zyoonse zizyale musyobo wazyo.” Lino kuli ali kusumpuka bucebuce kwako nko kuzwa? Mulimo wako wini waka tapatila kuli ceeeo nco kaamba kuti ula syoma. Leza wakati, “Imbuto zyoonse zizyale musyobo wazyo.” Tai konzyi kuli zyalulula. Peepe, peepe. Ili manide.

²⁴² Elyo Ndi yeeya kuti kambongolo nkamwi ka i—i zintu zitakwe luzibo nze Nda kasola kubona. To konzyi kuka yiisya cintu. Kayo kkala awo a matwi mapati malamfu, nywebo mulizi, alimwi kaya kulindila mane ncoonya ciindi cakufwa kuti kakubbanse, kakataninga kufwa. Kalo buyo . . .

²⁴³ To konzyi kuka yiisya cintu. Cila ndiyeezya... Kayo kkala awo, elyo koya ukakaambile zintu, kundiyezya bantu bamwi, kutaminina kuba basyomi sunu. Matwi mapati, kukkala alya, alimwi, “I mazuba a maleele aka mana. Hwaa! Hwaa! Hwaa!” Ta zyi oko nkwa kazwida. Ta zyi cintu kujatikizya Ndilayo. Cintu biyo nca zyi nkansianziya kamwi ka mbungano.

²⁴⁴ Pele andi kwaambile, Ndi jisi bulemu ku mbuto iinjoloma. Mulombe, inga wa uziba musyobo wakwe unjoloma. Inga wakwaambila kuti bawisi bakali bani, banyina bakali bani, abo bakali basyanyinakulu, basyanyinakulu kuti bakali bani. Wa kali musyobo unjoloma.

²⁴⁵ Mbubonya abo Banakristo ba musyobo unjoloma, inga bakonzya ku utobezya kujoka nkoonya ku Bbuku lya Incito a kubona oko nko bazwa, Munakristo wa musyobo unjoloma, wakazyalwa ku Muuya nguwenya, cintu nciconya, kulilemeka nzila njionya.

²⁴⁶ A basikupenzya mbabonya; tudonki a mabbiza kaalya antoomwe. Mbo mbubo. Nceeco we. Mweelede kuba a ncico, nekuba. Obu mbuzuba bwaka tintanisigwa.

²⁴⁷ Nda kabona kabeela mu *Reader's Digest*, kutali ciindi cilamfu cainda, "Zumanana kusanina banakazi nyama eyi yakatintanisigwa a—a zintu, taba konzyi kuba a bavwanda babo. Ba jisi kucinca. Bali mukukomena maningi mu ziwezo, a kusumana loko mu zikungu." Baa, cili, ulizi kuti muntu lyoonse ula linyonyoona mwini ku lusumpuko.

²⁴⁸ Jokela kuli Leza! Kosyoma Leza. Jokela ku Lunyungu lutaanzi. Jokela a Kwii syoma. Mwa kabala angu mate... muli jisi mateepu angu, mubwini, Nda yeeyela kuti mwakaamvwa, aa: *I Lunyungu Lutaanzi*, a *I Samu Lya Nabwiinga*, a zintu ezyo, zili mbwini. I Mwami ulizi obo.

²⁴⁹ Obo zintu ezyo mbo zya kaambwa kumbele, myeezi a myeezi. Nywebo nobantu, eco nco mubona awa, nciniini buyo, eco nco mubona kucitika. Amulombe bantu bali ambali, amulombe ikuti na ciindi cimwi nocakasola kukakilwa. Kwaamba kujatikizya bantu, mizuzumo yanyika, zintu ziyo citika. I Muuya Uusalala ula twaambila. Sa mbo mbubo? [Mbunga yaamba, "Ameni."] Ngooyo muntu wakaliko... Masimpe. Elyo wa bantu bandeene.

²⁵⁰ Mboli Marilyn Monroe, kulaale kataninga kufwa. Ba kati waa kalijaya. Ta kacicita pe. Waa kafwa ku kulwanwa kwa moyo. Nincobeni.

²⁵¹ Oyu muntu, oyu sikulwana. I Maginot Line mu Germany. Zintu ezyo zyoonse, zyuulu buyo zya zintu, cakulondoka mboli mbo kweelede, ziindi zyoonse. Ta ukonzyi kuba umbi cita Muuya Uusalala. Mwabona? Mwabona? Wa kacisyomezya.

²⁵² Wa kapa zintu zili ciloba mu 1933 zyakali kuyo citika. Elyo lino cimwi acimwi cakaboola kucitika cita zintu zyobilo, cakulondoka, mbubonya buyo. Obo akwalo Muleli Kennedy mbwa kali kuyo boola mukati. Cili moonya omuya mu mabbuku angu ndyoonya lino, kaambwa kwa myaka ili makumi otatwe yakainda, mbubonya. Obo yalo Maginot Line mbo yakali kuyo yakwa, myaka ili kkumi aumwi kaitana kuyakwa. Obo Hitler mbwakali kuyo buka, a—a Fascizimu, a—a Nazimu, a zyoonse kuswangana muli kkomunizimu, a kkomunizimu iyo nyonyoona Bunakatolika. Elyo iyo cita, iifyi, takukwe makani eco ncoba cita. Elyo katondezya, kati kuyooba Nkamu ya Bupaizi, a nzila mambungano oonse mbwa kali kuyo kuboola antoomwe a kupanga cinkozya citegwa Caando ca Munyama. Mula babona moonya mu mugwagwa, ndyoonya lino. Mbombubo ncobeni. Ceelede kucitika, nkaambo tii caka kakilwa kuba.

²⁵³ Uli onse wakasola ku ciziba, uli onse, batole ku inyika yoonse, ta cina kakilwa ciindi cimwi. Myeezi a myaka kumbele lya ciindi, cili buyo kabotu ncobeni aa kasena. Ngu Leza akati kanu, nobantu; Leza muli ndiswe, Muuya Uusalala. Amubone, Jesu wakaamba kuti Lunyungu lwa bwami luyo lizibya kwiinda ku cintu nciconya, awa muli Luka capita 17. "Oh, amubweede, O nomu mwaikide, kuzwa ku tubungwe twanu, kuya kuli mwanu."

²⁵⁴ Kufumbwa wesu inga wasyoma kuti Leza...Ikuti na wasyoma muli Leza, ulizi kuti Leza ulaponya balwazi. Oyo tauli mubuzyo. Baa, ikuti na tosyomi kuti...Nywebo mulizi, ba kati mu mazuba ayo, "Jehova, tu lizi kuti Ula konzya kuponya, pele Ta konzyi kufutula." Lino, "Ula konzya kufutula, pele Ta konzyi kuponya." Mwabona, dyabulosi nguonya buyo, cintu nciconya. Ngu koonse Mufutuli a musilisi. Ngu Jehova-Jire a Jehova-Rafa.

²⁵⁵ Oh, amubweede! Amuyeeye, Wa kasyomezya busena obu, bwa zintuzyonse zikkede buyo nzila mbo zibede lino, eco ciyo citika. Wa kati ciyo citika, alimwi ceelede kucitika.

²⁵⁶ Nobantu, Nda usa. Nda mukkazika cakumuka lino. Atu kotamike mitwe yesu aniini buyo, Ndiyo...Ndiyo manizya ceece, ndiza, juunza masiku. Ndi jisi mapeegi ambi atandila ku cisambomwe aa bulembu awa. Amu kotamike mitwe yanu kwa kaindi buyo kaniini. Amu batame, nyoonse.

²⁵⁷ Inga tii mwazuminana a ndime; muli jisi nguzu kuli ceeco. Ndi jisi nguzu zya kutondezya eco Nce yeeya. Nda jisi Lugwalo. Lino, takukwe makani eco Nce konzya kwaamba, ikuti na Leza ta ciiminini eco, mpawo Urimu Tamuumi taili mukubeleka, nkokuti ca kakwa. Takukwe makani obo mbo cimvwika kabotu, a obo mbo cimvwika kuba kasimpe, Urimu Tamuumi yeelede ku citondezya. I mbuto yeelede kusika ku buumi. Ikuti na tai citi, nkokuti tii yakali boobo.

²⁵⁸ Lino, ku kuponesegwa, Nda sola ku kwaambila kuti Nseli musilisi. Kuli bantu banji abo baliita kuti mbasilisi. Mpawo kuli banji ba—ba basikujana butongo abo baita kuti bantu kuti mbasilisi, abo, kujana buyo butongo. Moyo wabo tauli kabotu a Leza. Mwabona? Kufumbwa mutu ulizi kuti taakwe mutu ukonzya kuponya uumbi. Leza ulaponya malwazi. Lekela Leza aite lufu lwako, a kukomba koonse nkoyanda, a cibbadela cikupe nyeleti ya meenda abuzuba, elyo uya kufwa mbubonya.

²⁵⁹ Ikuti na Nda kosola janza lyangu sunumasiku, a kwiima awa a janza likoswedwe, takukwe musamu mu inyika ukonzya kuponya janza lyangu. Ta tujisi musamu uuponya. Taakwe musamu uuponya. Kufumbwa dokotela uyo kwaambila ceeco. Ci zumanana buyo kusalazyia kuciindi Leza naponya. Ta ukonzyi kuyaka matishu. Ikuti na Nda kosola janza lyangu, alimwi, "Oh," yebo wati, "iiyi, Mukwesu Branham, kuli musamu wa kuponya ceeco." Yaa, Ndi yanda kuziba mbo cibede.

²⁶⁰ Andi mutondezye. Ikuti na Nda kosola janza lyangu a kuwida ansi awa cakufwa, dokotela inga wasika akucita imbaumu mibili wangu akundi bamba kulibonya kabotu kwa myaka ili makumi osanwe. Kusuma janza lyangu, akundi gusya alya akundi yanssa nyeleti ya peninsilini, abuzuba, elyo mu myaka ili makumi osanwe kuzwa eno oko kutendwa inga kakuli mibili mbo kwakabede cindi nikwa kapangwa. Ikuti—ikuti na musamu wakabambwa kuponya cicisa, nkaambonzi tau cipony?

Kufumbwa musamu uyo ponya ciyaso mu janza lyangu, uyo ponya ciyaso adesiki eli, uyo ponya ciyaso mu kameneno kangu. Ikut na ula ponya ciyaso, uyo ponya ciyaso cakutalanganya mpo cibede. “Ee,” yebo wati, “baa, musamu wakabambilwa bantunsi.” Mpawo nkaambonzi tauponyi? “Ee,” yebo wati, “buumi bwazwa muli nduwe.” Mpawo kuli cintucimwi cimbi kunze lya musamu eco ciponya.

²⁶¹ Bwalo mbuumi, masimpe, alimwi buumi ngu Leza. Nincobeni, buli boobo. Nekubaboo, bamwi basizibi, bali pilingene a ncico, pele nekubaboo muli mu cinkozya ca Leza. Elyo buumi mbo jisi obo Leza mbwa kapa kuli nduwe. Uli zyi obo; peepe, nkaambo Leza musilisi. Buumi musilisi. Mula syoma obo, mwabona. Kabona kunji loko kwa kacitwa!

²⁶² Lino atu Mu tambule buyo, sa tamuko? Katu tana kucita ceeco, Nda libuzya na mbangaye omuno balamwa, kale... Ikuti na muli beenzu okuno, tamunabako omuno kale, sa mula Mu syoma kuba Mwana wa Leza? Elyo kwiinda kuli ceeci, Mulumbe sunumasiku, Ijwi likikke, akwalo Ka tana cita cintu cili coonse, eco nco Li syoma, elyo muyanda kuti ndimuyeeye mu mupailo, tambika janza lyako. Sa mula cita? Oh! Leza amu longezye. Oh, ma! Maanza ali myaanda yotatwe na yone. Leza amu longezye.

²⁶³ “Lusyomo lulaboola ku kumvwa, kumvwa Ijwi.” I kaambo nce Nda ambila kuti, Lunyungu luyo jana luzyalo kuli Leza. Ndi yeeya kuti lino, mubusena bwa—bwa kwiita buyo mundando wa mipailo atala awa, Ndila mucitya buyo kukomba.

²⁶⁴ Andi mupe Lugwalo, lutaanzhi. A ceeco nco tucita, lweelede kuba ca Lugwalo. Elede kuba ca Lugwalo! Leza takalemeki cintu cimbi. Leza takalemeki bubeji; nywebo mulizi obo. Nywebo—nywebo inga tii mwa konzya kujatanya eco kuli Nguwe. Talemeki bubeji. Walo ulemeka buyo Ijwi Lyakwe. Pele Wa kasyomezya, kuti, “Ijwi Lyangu tali kabooli cabuyo kuli ndime. Liyo zwidilizya kuti eco Nco lyaka kanzilwa.” Elyo tula bona Ijwi lya kaabikkilwa sunu. Takukwe makani kuvula kwa kutasyoma kubuka mu cilawo, Leza uyo lemeka Ijwi Lyakwe cindi Aku jana lusyomo lwaku Li zwidilizya.

²⁶⁵ Lino abusena bumwi mu buyake, Ndi yanda kuti mubweze Lugwalo olu. Bahebrayo cipati 3, Nda syoma mbo cibede. I Bbaibbele lya kat, kuti, “Walo Mupaizi Mupati, ndyoonya lino, ukonzya kugumwa kwiinda kukulimvwa kwa kulengauka kwesu.”

²⁶⁶ Alimwi nomwa tambika maanza anu, Ndi yanda kuti mu, kuswaangana mbo tii tandile buyo kujala awa, Ndi yanda kuti muboole a kwiimikila kuzunguluka awa a kukombelwa, tambula Kristo mbuli Mufutuli wanu. Sala nzila yako kuli imwi ya mbungano mbotu ili kokuno. Takukwe makani awo mpo ibede, muntuumwi oyo ukambauka Makanimabotu, koya kuli mbabo a kubabuzya lubapatizyo lwa Bunakristo. Elyo mweembeli uyo

mutola kuzwa awo kuyabuya. Walo muntu wa Leza. Walo wakaitwa kuba muntu wa Leza, uyo—uyo mutola kuzwa awo. Buyo, ikuti na Ndali kokuno mu dolopo eli, inga Nda zulilwa ku mambungano aya amwi okuno. Ni ndali kuboola kuli ngawo, ayo aasyoma Makanimabotu. Ni ndakali kokuya. Nincobeni, Ni ndakali zibya lwangu a ngawo, nkambo nce ncico ncomu yandikana kucita. Elyo nce ncico ncomu yandikana kucita.

²⁶⁷ Lino, ikuti na Walo Mupaizi Mupati ukonzya kugumwa kwinda kukulimvwa kwa kulengauka kwesu, lino Ngu mbobuca nguwenya, sunu, amuya myaaka, aboobo Uyo elela kucita mbubonya mbuli Mbwa kacita jilo.

²⁶⁸ Lino amulangilile, mwanakazi muubauba waka guma cikobela Cakwe, ciindi cimwi, nkabela Wa kanyona a kuziba eco nca kajisi, a kumwaambilka kuti lusyomo lwakwe lwa kamuvuna. Elyo waa kalimvwa, muli lwakwe; taakwe naka bweza macise aaku citondezya. Ta keelede kucitondezya.

²⁶⁹ To tondezyi zintu. Ula syoma Leza. Mwabona? To tondezyi Leza, pee. To konzyi kutondezya, ku kuvuna buumi bwako, kuli Leza, kuunka buyo awa a kwaamba, “Andi Mu bone.” Mwabona, mweelede ku Mu syoma.

²⁷⁰ I zilwanyo zyoonse zya Leza ncigambyociinda. Luyandisy, lutangalo, lusyomo, kukkazikamoyo, lukakatilo, lubombo, mwabona, cigambyociinda coonse. Tu langa ku zintu nzo takonzyi kubona ameso ako akunyama.

²⁷¹ Elyo Kristo nkiali sunumasiku. Wa kacisyomezya. “Oko bobilo na botatwe nkoba bungene mu Zina Lyangu, mpaawo Mpeli akati kabu. Mpaawo Mpende!” I “Mebo” alubo, Mpali ano. Lino, “Ngu mbobuca nguwenya, sunu, amuya myaaka.”

²⁷² Yebo komba, a kwaamba, “Mwami Jesu, Nda ciswa,” na kufumbwa nco bulide. “Ndi—Ndili bulide, alimwi Ndi—Ndi yanda Nduwe, oyandwa Leza, kundi fwida luse, a kundi ponya a kundi bamba kuba kabotu. Elyo lino ikuti na Ndi jisi lusyomo lukubwene, Mwami, lwaku Ku guma... Ndi—Ndi lizi kuti Mukwesu Branham ta ndizi. Ndili mweenzu. Elyo Ndi lizi ta ndizi pe. Lino, ikuti—ikuti na oyo muntu wandaambilka Bwini, obo Mbwe syoma kuti mbobubede, nkaambo buzwa ncobeni ku Ijwi Lyako. Nda Ci bala, Nda Li bona kaliboneka kabotu cakulondoka. Lino ko Li simpikizya. Ndi taminina kuba Lunyungu lwa Abrahamu, kwiinda muli Kristo, Ndi taminina kuba Lunyungu lwa bwami, kusyoma aali Jesu Kristo, Lunyungu lwa bwami. Elyo Ndi syoma kuba cibeela ca Nabwiinga Wakwe, Mbungano Yakwe eyo Nja boolela. Elyo Ndili cisidwe a ubulide. Kaka, Mwami Jesu, ndilekele kuguma cikobela Cako. Elyo to...aku citondezya kuli ndime kwiinda ku kukanana mu Mukwesu Branham, mbuli Mbwa kasyomezya kuti ciyooba ‘mbuli mbo kwakabede mu mazuba akwa Sodoma.’ Andi buyo... anda ambile eco Nce yeeya, nce kombela, eco Nce

yanda, oko kubula kwangu mbo kubede, cintucimwi cijatikizya ndime." Kocita ceeco, ko cicite buyo.

²⁷³ Taata Wakujulu, lino coonse cili mu maanza Aako. Lino oku nku koonse Nkwe konzya kucita, na kufumbwa muntu umbi, inga waamba buyo eco Nco wamba *Awa*, Bwini. Lino ko cisimpikizya, Mwami, kuba Bwini. Nda kanana Nduwe. Koamba kuti Nda amba Bwini. Mu Zina lya Jesu Kristo. Ameni.

²⁷⁴ Ndi yanda kuti musyome buyo—buyo, amube buyo a lusyomo. Lino kutabi muntu umwi wendenda. Amu kkale buyo cakubatama ncobeni. Ndi yanda kuti mweezezya kwiimikila kumbele lyanu, omu mubusena bumwi, Kristo, wakabuka kuzwa ku bafu; kuboola kwinda mu malambo ciindi cimwi, kalya cinkwa, wakati, "Amu Nda ampe, Ndili nyama a mafuwa," a kuzimaana nkoonya kumbele lyabo. Lino Wa—Wa kasyomezya kuti Uyo libonya mu mazuba aakumamanino, mu ciimo ca mubili wabantu alubo, mu mubili wako, mbuli Mbwa kacita ku mazuba akwa Sodoma. Leza, oyo wakali Kristo, kayubululwa mu mubili, lino mu Mbungano Yakwe, Nabwiinga Wakwe. Mwabona, bali mukuboola antoomwe. Nciindi cakukamantana. Mambungano ali mukukamantana, masi ali mukukamantana, alimwi Nabwiinga a Kristo bali mukukamantana. Mwabona, nciindi cakukamantana.

²⁷⁵ Lino kosyoma buyo, mu buubauba. Muta soli kulibilika a kutonka cintucimwi, nkaambo tamu jana cintu. Buyo—buyo cabubombe kwaamba, "Mwami, Nda syoma." Umwi wacita buyo eco. Elyo lino Nda . . .

²⁷⁶ Mbangaye bakkede kumbele lyangu, kapati . . . Lino, Ndili bazi baalumi aba *awa*, a baaba *awa*. Ndi balizi bamwi bakkede *awa*. Ino kujatikizya mpoonya *awa*, nkoonya kumbele lyangu? Atu salazye aa nkamu eyi niini moonya mukati *awa* abusena bumwi. Mbangaye bakasola kubona Kristo kalyubununa Mwini mbuli boobo, kwinda . . . Atu bone maanza anu, "Nsena cibona pe." Ndi yeeyela kuti bantubonse baka cibona. Yaa.

²⁷⁷ Amukombe lino. Lino amubatame buyo. Ta ndizi kuti Ula cita. Nse konzyi kwaamba ceeco. Cili kuli Nguwe. Sa ciyo mubamba kusyoma, canguzu loko? I Mwami ulamvwa eco. Uli zyi zintu zyoonse.

²⁷⁸ I mwaalumi uukkede mpoonya awo, uciwa heniya. Ula syoma kuti Leza uyo ponya herniya eyo? Ula cita na? Tuli beenzu kuli umwi aumwi, Nda yeeyela, yebo a Ndime. Nse kuzi. Nsena kubwene. Pele ikuti na ncencico ncooli ku kombela, tambika janza lyako. Ikuti na mbo mbubo, tambika janza lyako, oyu mwaalumi ukkede . . .

²⁷⁹ Sena mula syoma kuti—sena mula syoma kuti cindi Andreya nakaambilia Simooni kuboola kubona kuti baka jana Mesiya, elyo cindi na kaboola mu Busyu bwa Mwami Jesu . . . ? Mukuba kuti uli mu kukwabana a Cintucimwi lino, mupailo wako.

Wabona, Wa kamwaambila kuti wakalini. Ula syoma na kuti Leza inga wandaambila zina lyako? Ikuti na ula cisyoma, Ula konzya kucicita. Sa eco inga cakuyumya kusyoma a moyo wako oonse? Sa inga cacitila bamwi banu munzila eyo? [Mbunga yaamba, "Ameni."—Mul.]

²⁸⁰ Lino mwaalumi wa bikka maanza akwe mujulu, kuti kufumbwa ncaka mwaambila... Ta ndizi; Njo elela kutobezya teepu, mwabona. Kufumbwa mbo cakabede, cakali luleme. Sa mbo mbubo, munene? [I mukwesu waamba, "Ameni."—Mul.] Ncibotu. Kufumbwa mbo cakabede, cili luleme.

Ba. Shepherd, kosyoma a moyo wako oonse. "Ikuti na wakonzya kusyoma."

²⁸¹ Lino eco buyo Nca kaamba, "Zina lyako ngu Simooni, mwana wa Jonasi." Lino ikuti na moyo syoma buyo, nku koonse kuyandika. Mwabona? Lino ino ncinzi? Wa kasyomezya ceeco. Wa kapa cisyomezyo eco. Eco citondezya kuti Mpali ano. Kutali buyo ndime; Uli muli ndinywe. Uli mu Mubili Wakwe wa basyomi.

²⁸² Mulindu muniini, kalila a kukomba, a mutwe wako kuukoteme. Uciswa kkulenge. Ikuti na tokayoowi, elyo uyo syoma, Leza uyo kubamba kuba kabotu ikuti na wakonzya ku cisyoma. Uyo ciimpya, masimpe. Muka. Hood, syoma a moyo wako oonse lino, kuti Jesu Kristo ula kubamba kuba kabotu, alimwi inga watambula eco nco lomba. Lino uyo cisyoma a moyo wako oonse? Ameni.

²⁸³ Ukkede nkukonya munsi lyako kuli mulindu oyo ujisi penzi lya mwida, penzi lya moyo, buyumuyumu bwakusilikwa. Ikuti na wasyoma a moyo wako oonse, inga watambula kuponesegwa kwako. Sena ula cisyoma a moyo wako oonse, ula citambula? Ula cita? Ncibotu.

²⁸⁴ Ulya mwaalumi alya ujisi kuzwa malowa, sa ulasyoma kuti Leza inga waponya oku kuzwa malowa aku kuponya? Konyamuka.

²⁸⁵ Ino inga wayeeya nzi kujatikizya ncico, ukkede munsi lyakwe okuya, a herniya? Sena ula syoma kuti Leza inga waponya herniya eyo a kumubamba kuba kabotu?

²⁸⁶ I mulindu moonya munsi lya kuboko kwako okuya, uciswa mutwe. Kwa mana lino. Embo na? Mwabona, lusyomo lwako lwaka cicita. Nku koonse nkoelede kucita, nku syoma buyo.

²⁸⁷ Ngooyu mulindu awa uujisi cilwazi dayabbetisi. Ula syoma na kuti Leza uyo kubamba kuba kabotu, omulindu, ukkede alya a bulwazi dayabbetisi? Ula syoma na kuti Leza inga wandaambila kuti nduweni? Ula cicita na? Muka. Robinson. Eelyo nde zina lyako.

²⁸⁸ Kobikka janza lyako aali nguwe okuya ku herniya oyo, ndiza Leza uyo mubamba kuba kabotu, awalo. Ikuti na ula cisyoma! Sa ula cicita? Ncibotu, munene.

²⁸⁹ I mulindu uukkede munsi lyako, kobikka janza lyako aali nguwe, munene, ujisi kuzimba kwansinga zya boongo. Sena ula syoma kuti Leza uyo ponya kuzimba kwansinga zya boongo aku kubamba kuba kabotu? Ula cita, ula konzya kutambula kuponesegwa kwako, akwalo. We elede ku kusyoma.

²⁹⁰ Lino oko nkusimpikizya. Leza wakapanga cisyomezyo, lino mbangaye basyoma kuti Kristo mpali ano? Mula cisyoma na? Lino, nyoonse nomuyanda, mu Busyu Bwakwe lino, abo bayanda luse kuzwa kuli Nguwe, abo bayanda luse lwa buntu bwani, alimwi tuyanda ku Mu zumina lino kuciindi noli moonya mu Busyu Bwakwe, bwalizibya. Lino Ndi . . .

²⁹¹ Ii muntu inga waboola omuno a nembe zya mpikili mu maanza akwe, ambata zyamaamvwa a kuti, “Ndime Mwami.” Kufumbwa sikuupaupa wakaindi inga wacita eco. Pele, i Buumi! I mibili wa Mwami Jesu uli kkede ku janza lyalulyo lya Bupati; cindi Aku boola, ciindi tacicikabi limbi, cindi oyo mibili wakubweeda ku nyika. Pele Muuya Wakwe mpouli ano, Buumi Bwakwe bupa bumboni Bwakwe bwakuba waano. Mwabona? “Njo oba andinywe, nomuba muli ndinywe, kusika kumamanino aa inyika.”

²⁹² Elyo tuyanda luse kuzwa kuli Nguwe lino, sa inga mwaimikila ku ijwi lya mupailo? Moonse mu buyake, yebo oko . . . kufumbwa nkobede, sa inga waimikila? Leza amu longezye, kulaale kusule omuya. Mbo mbubo, amu zumanane buyo kwiimikila. Mwiimikile buyo ku matende anu, nku koonse Nkwe yanda kuti mucite. Mwiimikile buyo aniini, ku mupailo. Ikuti na mula Mwi iminin! Ikuti na mwa fwabweeme kuli Nguwe eno, Uyo fwabweeme kuli nduwe kumbele lya Taata; elyo ikuti na muli—ikuti na muli libambilide ku Mu zumina lino, Uyo mwaamba kumbele lya Taata. “Ndi yanda kutambula Kristo eno mbuli Mufutuli wangu. Ndi yanda Nguwe kuti andi zuzye a Muuya Wakwe ndyoonya eno. Ndi yanda Nguwe.” Ko ciimvwi buyo kwakaindi kaniini, ku mupailo, ikuti na ula cita. Koimikila. Mbo mbubo. Ndi yanda . . . Nda limvwa kusololelwaa kucita ceeci, kubamba cipa- . . . Olu lwiiito lwaku cipaililo. Koimikila. Ta tujisi cipaililo cakusika; moyo wako nce ncipaililo. Amusomone buyo koonse kutasyoma, a kuziba kuti Mpali ano lino. Amwiime ku matende anu, nywebo nomuyanda kuzumina Kristo ndyoonya lino, mu Busyu bwa Buleza obo mbo mumvvwide, obo bwasimpikizigwa lino.

Lino atu kotamike mitwe yesu.

²⁹³ Mwami Jesu, mbi Bako. Wa kati, “Taakwe muntu ukonzya kuboola kuli Ndime citakuti Taata Wangu wa mukwela.” Elyo lino kweendelana ku sayaansi, inga tiiba konzya akwalo

kutambika maanza abo; mulao wa gravitashioni waamba kuti maanza eelede kulengelela ansi. Pele kuli buumi muli mbabo, nkabela obo buumi bwaka letwa munsi ku Buumi Butamani, Kristo. Elyo babamba kusala kwabo mu myoyo yabo, kuti bamanizya ku inyika. Elyo batambika maanza abo akwiimikila ku matende abo, kususya mulao wa graviti, kuti kuli buumi omuya. Aboobo mbubonya twasusya mulao wa inyika a kutasyoma!

²⁹⁴ Mu Zina ly a Jesu Kristo, mbi Bako. Nzipego zya luyandisyo lwa Makanimabotu. Zyalo nzibalusyo zya Mulumbe, sunumasiku, alimwi i... Busyu Bwako bupati antomwe a ndiswe. Bikka mazina abo mu Bbuku ly a Buumi ilya Mwanaambelele, Okuya, Mwami. Twa kombaa kuti—kuti umwi aumwi wabo uyooba Okuya, mbuli bana Bako, bayandwa Bako.

²⁹⁵ Koba zuzya a Muuya Uusalala wa Leza, mu myoyo yabo. Akube kuti maumi abo abikkwe loko Nguzu zya Leza Singuzuzyonse, oko bubombe a luyandisyo a luse a buuya ziyo kunkila kuzwa kuli mbabo, a busungu bwa kubona bamwi kufutuka, abo bakali mu ciimo cabio cimwi ciindi. Ko cipa, Mwami.

²⁹⁶ Cintu buyo nco tukonzya kucita, Mwami, nku syoma. Elyo baimikila mbuli ciibalusyo ca buzumini bwabo. Elyo lino a lusyomo lwangu a lusyomo lwabo, antoomwe, twa cibikka aa cipaililo Cako, ku lusyomo. Elyo balo ncituuzyo eco ciledé awo, ka cilindila Mwana wa Leza kuti abazumine mu Bwami Bwakwe. Ko cipa, Mwami. Ndyoonya lino akube kuti babe Bako, mu Zina ly a Jesu Kristo.

²⁹⁷ Lino nywebo nomu Mu syoma a moyo wanu oonse, abo baimvwi, tambika janza lyako, kwaamba, "Nda Mu syoma. Nda Mu zamina ndyoonya lino mbuli Munununi wangu, alimwi Ndi yandaula lubbizo lwa Muuya Uusalala." Tambika janza lyako. Leza amu longezye.

Lino inga mwa kkala.

²⁹⁸ Elyo Ndi yanda kuti ubambe nzila yako ku mbungano imwi, lino, cakufwambaana.

²⁹⁹ Juunza masiku tuyo oba ii—ii muswaangano wa lubbizo lwa Muuya Uusalala, juunza masiku, nkoonya okuno ku buyake. Lino, kuli kwiindilizya kunji nko baita kuti lubbizo lwa Muuya Uusalala, pele eco ta caambi kuti kwiina Muuya Uusalala wini. Kuli Muuya Uusalala wini ncobeni wa Leza, mbubonya buyo. Elyo Nda syoma kuti Uyo tu swaana okuno juunza masiku.

³⁰⁰ Lino, mbangaye mu buyake balamidwe kuti tuli ku ciindi camamanino? [Mbunga yaamba, "Ameni."—Mul.] Mbangaye balamidwe kuti obu Mbwini, i Ijwi lyeelede kuba mu nzila eyi mu mazuba aakumamanino? Tambika janza lyako. ["Ameni."] Mbangaye banu basyomi? Amuvukauzye maanza

anu. [“Ameni.”] Ncibotu. Jesu wakaamba Majwi aya, “Ezi zitondezyo ziyo batobelabo basyoma, ikuti na uli musyomi.”

³⁰¹ Lino mbangaye babulide Kristo mu mubili wako? Amunyamune maanza anu. Ncibotu, nywebo no basyomi nomukkede munsi lyabo, amu bikke maanza anu ali umwi aumwi. Elyo nzila mbo paila mu mbungano yako, nje nzila njo paila awa. Utali kombeli omwini. Ko bakombela; bali muku mukombela. Elyo Bbaibbele lyakati, “Bayo bikka maanza aa balwazi, bayo pona.” Lino amukombe munzila njo mucita, a cisyomezyo.

³⁰² Mwami Jesu, mbi Bako. Ba tambule mu Bwami Bwako. Alimwi koponya umwi aumwi, Mwami; a tutambala otu. Mu Zina lya Mwami Jesu Kristo, ko cipa, Mwami. Saatani waka sweekelwa kujata kwakwe. Akube kuti Nguzu zya Leza Singuzuzyonse ziponye umwi aumwi.



JEHOVA-JIRE 2 TNG64-0403
(Jehovah-Jireh²)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwasanu mangolezya, Mukubwekaangala 3, 1964, ku 4-H Club Barn mu Louisville, Mississippi, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org